



共四十二  
保嬰女撮要  
十止



武  
584  
18





明  
卷  
五  
八

保嬰撮要卷十八

續集

薛氏醫按

吳郡薛 已著

江都吳中珩校

不靨悶亂哽氣腹脹之症

陳文宿先生云痘瘡十一日至十二日當靨不靨身熱悶亂不寧臥則哽氣腹脹泄瀉寒戰咬牙急用異功散加木香當歸以救陰陽表裏助其收靨竊謂前症若手足竝冷屬脾胃虛寒宜用十二味異功散手足微冷屬脾胃虛弱宜用五味異功散加木香若手足熱大便秘屬脾胃實熱宜用清涼飲救其陰以抑其陽

一小兒痘寒戰咬牙瀉渴腹脹手足冷時仲夏飲沸湯口不知熱先君謂脾氣虛寒用十二味異功散一劑頓安又用五味異





功散調補而愈再用參芪四聖散而痊

一小兒痘不結痂發熱飲湯哽氣腹脹此脾氣虛弱用五味異功散參芪四聖散而愈後噫氣下氣欲服枳殼之類余謂噫氣屬心火虛下氣屬脾氣虛朝用六君子湯加薑桂夕用補中益氣湯而愈

一小兒哽氣喘咳腹脹下氣手足不冷不熱此脾虛不能攝氣而腹脹下氣肺虛不能攝氣而哽氣喘咳用五味異功散加升麻而愈

一小兒痘將愈足冷哽氣腹痛手冷至腎辰青面白屬脾胃虛寒也用五味異功散加附子二劑足稍溫又用六君薑桂二劑諸症漸退乃去薑桂服之而痊

一小兒痘不結痂作渴飲冷大便秘結此腸胃有熱也先用清

涼飲末一錢大便和而頓靨又用人參麥門冬散八珍湯

而痊

一小兒痘不結痂用補中益氣湯地黃丸料煎服而愈次年畢姻後寒熱作渴頭暈脈洪數按之微細此脾腎虛火上炎也以前藥各加肉桂五分引火歸經而愈

一小兒痘不靨發熱因乳母有肝火用加味逍遙散人參白朮散母子俱服而熱止又用柴胡麥門冬散而痊

一小兒十五歲久而結痂寒熱往來脈洪數按之無力用十全大補湯而痊後因勞寒熱復發用補中益氣湯而安

六君子湯治脾氣虛弱或因尅代之劑虧損中氣飲食少思或痘瘡不起發灌漿結痂

人參 白朮 炒 茯苓 陳皮 炒

半夏 湯洗 甘草 炒 各等分



右三五錢薑棗水煎徐徐服

四君子湯

即六君子湯去陳皮半夏

四順清涼飲王海藏先生云痘疹膿貫而不焦者由治失清涼之法內外熱毒無以收斂辟如五穀得陽氣而成熟得陰氣而結實用清涼飲子下之方見大便不通

十二味異功散

方見頂陷灰白

人參麥門冬散

方見發熱口渴

柴胡麥門冬散

方見作痒搔破

加味逍遙散

方見欲嘔不嘔

補中益氣湯

五味異功散

二方見寒戰咬牙

參芪四聖散

十全大補湯

二方見腹脹氣促

人參白朮散

即七味白朮散

地黃丸

二方見發熱屬陰陽

而日生翳痕黯凹凸之症二

陳文宿先生云痘瘡十二日至十三日瘡痂漸落其痂猶黯或

凹或凸肌肉尚嫩不可澡洗并忌五辛煎燻之物恐熱毒上薰肝膈眼生瘡翳或有是患用穀精草散治之竊謂前症目為肝之竅或肝經風熱或肝經血虛或肝經熱毒或肝經風熱相搏或肝疳內熱或乳母肝經有熱或食膏粱厚味故多犯其目若失於早治多成癆疾

一小兒出痘兩目不開先君謂肝經有熱用消毒化斑湯母子服之而愈

一小兒兩目不開先君謂肝經熱毒先用柴胡麥門冬散又用四物湯加山梔而愈

一小兒痘瘡目赤腫痛此肝火為患用柴胡麥門冬散穀精散而愈

一小兒痘將靨目不開脈浮而無力右關按之緩弱此脾氣虛



耳用補中益氣湯加蔓荊子二劑去蔓荊子又數劑而愈後每勞役目中作脹不能開合朝用補中益氣湯夕用五味異功散而愈

一小兒眼痛不開屬肝經風熱用柴胡麥門冬散犀角地黃湯加柴胡各一劑開而見赤翳迷漫仍用前藥加穀精草而愈

一小兒出痘日閉二十餘日用清肝解熱之藥兩目雖開其睛已傷此失於早治也

一小兒目中出痘作痛肝脉洪弦有力先用小柴胡加龍膽草生地黃一劑而痛稍止乃用四物柴胡山梔一劑痛全止再用加味道遙散蟬菊散而愈

一小兒目中出痘肝脉弦數此木火相搏用四物山梔牡丹皮柴胡二劑丹用加味道遙散二劑肝脉平和又用四物牡丹皮而靨但目有青翳用蛇蛻散二味穀精草散而痊

一小兒素食膏梁目中出痘作痛口渴大便堅實左右關洪數有力弦長以形病脉俱實先用柴胡梔子散瀉黃散各一服又用柴胡梔子散柴胡麥門冬散而痊

一痘兒眼不開肝脉數按之有力用柴胡梔子散子母服之眼漸開又因母勞怒仍閉用加味道遙散而愈後復閉用柴胡麥門冬散而痊

一小兒目中生翳診其肝腎疳症用九味蘆薈丸六味地黃丸及粉月散翳漸退又用柴胡麥門冬散而痊

羊肝散治痘毒入眼或無辜疳八目

密蒙花 毒箱子 决明子 車前子

右爲末用密蒙花末三錢餘藥各一錢以羊肝一葉薄批摻上濕用紙裹煨熟空心食之



蛇蛻散治痘毒目翳

蛇蛻二錢為末

瓜蒞仁五錢研爛

右為末用羊肝一片批開八末二錢用線架緊米泔煮熟頻與兒食外用粉丹散

三味穀精草散治痘痘醫膜遮睛障瞳子

穀精草一兩

蛤粉

黑豆各二兩

右為末用雄猪肝一葉竹刀批開摻藥在內以麻線縛定八砂礮內水煮熟令兒食之

蟬菊散治班痘入眼或病後生翳障

蟬蛻洗

白菊花各等分

右每服一錢水煎入蜜少計量兒服

二味穀精草散治痘瘡已靨目翳膜瞳障神隱溢淚出久而不退

穀精草一兩

生蛤粉二兩

右為末用獾猪肝一葉竹刀批片子摻藥在內以綿扎入砂器內水煮令兒熟食之

粉丹散即吹耳丹治眼生翳膜

輕粉

黃丹

右為末竹筒吹耳內在眼右翳吹右耳右患吹左耳即退

通神散治班瘡入目内生翳障

白菊花

菘荳末生用

穀精草各等分

右為末每服一錢乾柿一箇米泔水一盞煮乾末不拘時但食柿餅五七次至七日可見効

黃栢膏治痘瘡初出就塗面則痘瘡不生於面目用之若遲雖出亦稀



黃栢 一兩

茱萸

甘草 每四兩 生用

右為細末清油調如膏從耳前眼唇面並塗之日三五度  
羊肝丸治痘瘡八日不能開

羯羊肝 一具 生用 黃連 炒為末

右先將羊肝去筋膜於石器內搗爛入黃連末丸如桐子大  
每服二三十丸食後茶清送下

蟬蛻散治班疹八日半年已過者一月取効

蟬蛻 一兩

猪懸蹄甲 二兩 瓦罐內用 鹽泥封燒存性

右二味為末入羚羊角末五錢每服五分日湯調下

九味蘆薈丸治肝經積熱面目生翳耳中出水大便不調肢體

消瘦等症 方見疳蝕症

小柴胡湯 方見 班症

柴胡麥門冬散 方見作 痒搔破

四物湯 方見痘瘡 出遲

六味地黃丸 方見痘瘡發 熱屬陰屬陽

消毒化斑湯 方見夾疹痘 苦湯

瀉黃散 方見屬後 發熱咽痛

柴胡梔子散 方見作痒搔破

五味異功散 二方見寒戰咬牙 一名小異功散

補中益氣湯

陳文宿先生云痘瘡收靨之後渾身壯熱經日不除別無他症

用柴胡麥門冬散如不退服人參白朮散若風熱咳嗽咽喉不

利用桔梗甘草防風湯竊謂前症有因熱毒未解者有因胃氣

虛熱者有因胃氣實熱者其因不能枚舉當臨症制宜而藥

一小兒咽痛壯熱痘痕色赤手微熱此餘毒未解用柴胡麥門

冬散而安七日之後復熱手指初捏似熱久捏則冷此脾氣虛

也用五味異功散而痊

靨後發熱咽痛不利之症 三

陳文宿先生云痘瘡收靨之後渾身壯熱經日不除別無他症

用柴胡麥門冬散如不退服人參白朮散若風熱咳嗽咽喉不

利用桔梗甘草防風湯竊謂前症有因熱毒未解者有因胃氣

虛熱者有因胃氣實熱者其因不能枚舉當臨症制宜而藥

一小兒咽痛壯熱痘痕色赤手微熱此餘毒未解用柴胡麥門

冬散而安七日之後復熱手指初捏似熱久捏則冷此脾氣虛

也用五味異功散而痊



一 小兒痘咽痛大便不實口渴飲湯手足不熱此脾胃虛弱也  
用人參白朮散而大便實但不時寒熱用加味逍遙散而愈  
一 小兒痘咽痛發熱作渴面赤飲冷此胃經實熱也用射干鼠  
粘子湯而愈因食厚味復發手足並熱用瀉黃散一劑而痊  
一 小兒痘咽痛發熱飲冷大便黃色手足指熱此脾胃實熱也  
用瀉黃清胃二散各一劑而愈後因乳母食厚味兒口角流涎  
不能吮乳仍用前藥治母而愈

一 小兒痘咽痛足熱余謂此稟足三陰虛而無根之火上炎也  
古人有云痘歸腎經必不可救當用壯水之劑亦有生者奈彼  
不悟翌日果腰痛咽啞始信余言乃用大劑地黄丸料加五味  
子并補中益氣湯而愈

一 男子出痘上體甚熱兩足俱冷喉痛作渴瘡亦不起發此稟

腎經虛熱也以六味地黄丸料煎與恣飲漸愈又用八珍湯  
一 小兒面色素白出痘咽痛發熱面赤作渴飲湯手足指冷  
稟足三陰虛也用大劑加減八味丸料煎恣飲又以益與氣湯  
助其脾肺以滋化源痛止熱退而愈

射干鼠粘子湯治痘疹咽喉作痛及痘疹後癰疽瘡毒

鼠粘子即午莩子 甘草 升麻 射干各二錢

右水煎量服之

瀉黃散治脾胃實熱患瘡口渴飲冷

藿香葉七葉 石膏服五錢 甘草三錢 防風

山梔仁炒各一兩

右爲末每二錢水煎入蜜少許嬰兒乳母服之

六味地黄丸方見痘瘡發熱屬陰屬陽 清胃散方見痘不結痂



八珍湯 方見頂陷灰白

人參白朮散 即七味白朮散

柴胡麥門冬散 方見作

加減八味丸 即六味丸加五味子肉桂

加味道遙散 方見欲醫

五味異功散

補中益氣湯 二方見寒戰咬子

頂陷心煩狂喚氣喘之症 四

陳文宿先生云痘紫色頂陷心煩狂躁氣喘妄語或加見鬼神內熱便秘者宜用龍腦膏子猪尾膏如無內熱大便不實不可輕服竊謂前症多因初起熱盛之時失於解利所致亦有因痘毒未盡有因胃經有熱有因肺胃有熱有因心脾有熱煩躁痘裂出血便血衄血屎黑痕赤詳見各症太凡作渴發熱手足指冷或大便秘結者內有熱也切不可禁其飲水觀張子和述水中兒事良可驗矣蓋熱極故得水而生也

一 小兒痘疹狂喘熱渴飲冷痰涎不利先君用十六味清膈飲犀角地黄湯而痊

一 小兒痘紫發熱小便不利手足發熱此肺經有熱用人參清肺飲小便隨利又用犀角地黄湯而醫

一 小兒痘紫作渴手足並熱余謂胃經有熱用竹葉石膏湯一劑諸症頓退而愈用人參白朮散而痊

一 小兒痘紫作痛其頂欲陷發熱飲冷作渴痰喘小便秘結此肺胃有熱用十六味清膈散一劑諸症頓減又用葛根麥門冬散一劑而愈

一 小兒出痘發狂作渴飲冷此上焦熱熾也用黃連解毒湯芹菜汁而止又用紫草快班湯將靨因間藥餌三日色黑倒靨用紫草散渴止又用人參白朮散而痊



一小兒出痘喘咳面赤其脉洪數右寸脉尤甚此心火尅肺金用人參平肺散以清心肺再用地黃丸以壯腎水喘嘔頓止  
一小兒痘將金喘躁作渴面赤此稟足三陰虛也用地黃丸料數劑諸症稍可又佐以益氣湯諸症漸愈後因沐浴出汗仍喘咳煩躁面赤脉洪大按之如無此汗多亡陽也用當歸補血湯而愈畢姻後喘咳音啞用地黃丸益氣湯各百餘劑得遠幃幙而生  
一小兒痘愈後時發狂兼喘發過面色更白手足並冷此脾胃虛弱也余用補中八珍二湯各三十餘劑或云當先降火邪而後補元氣乃服芩連朴硝之類汗吐不止而歿  
十六味清膈散治涕唾稠粘喘嗽痰盛身熱鼻乾大便如常小便黃赤

人參

柴胡

當歸

芍藥

知母

桑白皮

白朮

黃芪

紫苑

地骨皮

茯苓

甘草

桔梗

黃芩炒半兩

石膏煨

滑石

右每服三錢薑水煎量兒服之

葛根麥門冬湯治痘疹胃經熱甚頭疼悶煩或痘後餘毒

麥門冬

乾葛

人參

赤芍藥

升麻

茯苓各二分

石膏末五分

甘草二分

右水煎服

犀角地黃湯治鬱熱不解氣血湧為衄血或流入胃脘而吐血

或餘血停滯面色痿黃大便色黑

犀角

生地黃

白芍藥

牡丹皮

錢各一

右水煎乳母同服



人參平肺散治心火剋肺金傳為癱痿咳嘔喘嘔痰涎壅盛胸膈痞滿咽嗑不利

人參

陳皮

甘草

地骨皮

茯苓

錢各一

知母

五味子

錢炒一

青皮

四分

桑白皮

天門冬

去心四分

右水煎徐徐服

竹葉石膏湯治痘瘡胸中煩悶小便赤澀口乾作渴兼有赤斑又宜服犀角散

方見泄瀉咬牙

龍腦膏子治時氣腕瘡痘及赤疹子未透心煩狂躁氣喘妄語或見鬼神或已發而陷伏宜速治不則毒入臟必死

生龍腦

右研細滴雄猪心血丸棗豆大每服一丸心煩狂躁紫草湯下瘡陷伏溫酒化下一方加辰砂五分尤妙服後少時心神

清爽得睡瘡疹發透

猪尾膏治痘瘡墨陷倒靨

用小猪尾光刺血兩三點入腦子少許辰砂末一錢同研膏以木香湯化下

柴草快班湯治痘疹下血不止不能發出血氣不足色不紅活等症

即紫草湯

紫草

人參

白朮

茯苓

當歸

川芎

芍藥

木通

甘草

糯米

右每服二錢水煎

人參清肺散

方見痘喘

八珍湯

方見頂陷灰白瀉渴

黃連解毒湯

方見痲症

地黃丸

即六味地黃丸

人參白朮散

即七味白朮散二方見發熱屬陰陽

補中益氣湯



當歸補血湯

二方見寒戰咬牙

作痒抓破膿水淋漓之症五

陳文宿先生云痘瘡作痒抓破成瘡膿水淋漓者由血氣衰肌肉虛也宜用木香散加丁香肉桂及敗草散切忌用牛糞灰竊謂前症皆因氣血虛弱所致預為調護使氣血和平庶無此患又必察其外症色白者用四君之類色赤者用四物之類若因鹹味宜用蟬蛻散之類

一小兒口乾作渴脉浮而數此血氣虛而有熱也用參芪四聖散加蟬蛻而痒止用托裡散加蟬蛻而膿貫又用托裡散將靨忽發熱作渴而痒此血虛也用八珍湯當歸補血湯而愈  
一小兒痘赤作痒脉弦按之則數此乃肝火血燥生風先用柴胡爽門冬散加蟬蛻而痒止又用托裡散而痂脫後仍痒痕白

用八珍湯倍加參芪而愈

一小兒痘瘡作痒色赤心肝二脉數而弦此風熱相搏而血熱也用四物黃連柴胡丹皮而痒止用八珍湯當歸補血湯而愈

一小兒痘後作痒夜甚不寐此脾經氣血俱虛用四君歸芪數劑而止後傷食作瀉復痒不寐仍用前藥及五味異功散愈而

一小兒痘瘡愈後身痒膿水淋漓內熱口乾用四君歸芪及補中益氣湯并六味地黃丸而愈

一小兒痘痕作痒服祛風藥遍身皆痒膿水淋漓口噤發搐面色皎白此氣血俱虛余用大補湯參芪四聖散而愈

一小兒痘瘡已愈而犯色慾遍身作痒痘痕赤色氣息淹淹脉洪數無力左尺為甚先用大補湯內用人參五錢數劑形氣稍復佐以大劑加減八味丸料又五十餘劑而痊



一 小兒痘將靨身痒脉浮數按之無力此真氣不能榮於勝理用補中益氣湯漸愈因功課勞心自汗用六味湯而愈後煩躁面赤自汗如兩用當歸補血十全大補二湯而愈

一 小兒汗出如兩午足發熱作渴飲冷右關洪數有力此胃經實熱也用清胃散一劑頓退因食膏粱復痒發熱飲冷用瀉黃散未一錢渴止又用白朮散去木香而痊

一 女子靨後身痒脉浮大此脾肺氣虛也朝用補中益氣湯夕用黃芪六一湯而愈經行復痒發熱用加味道遙八珍湯而痊

一 男子痘愈而入房身痒昏憤脉大而無倫次按之加無用獨參湯十五劑而甦又大補湯二十餘劑脉斂又二十餘劑脉微細而畏寒此火歸經又五十餘劑而痊

一 婦人痘方愈因勞發痒服消風散口噤流涎余謂曰此因元

氣復傷不信乃服前藥更四肢發搐余用十全大補加味而愈

一 小兒痘愈後作痒服消風散四肢發搐口噤流涎余謂脾土虧損而肝木所尅果歿

一 小兒痘膿未滿面赤作痒余謂氣血虛而有熱欲行溫補不信乃服清熱之藥而歿

紫胡麥門冬散治肝膽經有熱靨後不解

柴胡 麥門冬錢各一 人參 玄

龍膽草各五 甘草炒 右水煎量兒大小服

參芪四聖散治痘瘡不能長滿生膿或色白作痒方見腹脹氣

五味異功散治稟賦元氣虛弱肌肉消薄榮衛短促而患瘡瘍不能消散或脾肺氣虛不能生肌收口大凡諸症因脾氣虛

而不能愈者皆宜服之調補元氣則自愈矣方見寒戰咬牙



黃芪六一湯治瘡瘍後氣虛作渴愈後復渴尤宜服之

黃芪錢六 甘草錢一 右水煎服

柴胡梔子散治肝膽經有熱瘡毒不愈或發熱止

柴胡 山梔 牡丹皮錢各一 川芎

芍藥分各七 白朮炒 甘草分各五

當歸分各七 牛蒡子炒各七分 右水煎母子同服

十全大補湯 獨參湯

參芪四聖散治痘瘡不起不能長滿生膿或作痒二方見腹脹氣促

補中益氣湯治痘瘡中氣虛弱或因尅伐以致身痒惡寒發熱

煩渴體倦飲食少思或不能結痂作庠者

當歸補血湯二方見寒戰咬牙 加味逍遙散方見欲靨不靨

四君子湯方見不靨悶亂 六味地黃丸方見痘瘡發熱屬陰陽

四物湯方見痘瘡出遲 瀉黃散方見靨後發熱咽腫

托裡散方見痘癰 加減八味丸即六味加用五味子肉桂

八珍湯即四君四物二方相合 清胃散方見痘癰

風邪搏於肌肉患疔蝕之症六

陳文宿先生云痘疹已靨未愈之間五臟未實肌肉尚虛血氣

未定忽被風邪搏於肌肉膚腠之間則津液澀滯故成疔蝕瘡

也宜用雄黃散綿繭散治之久而不愈則潰蝕筋骨以致殺人

竊謂雄黃散清肝殺虫解毒綿繭散治膿水淋漓皆治外之良

方內無餘毒者宜用此法若因肝脾疔火上炎或食甘肥而胃

火內動或手足陽明經蘊熱或腎經虛熱各有不同皆元氣不

足病氣有餘乘虛而發也焮痛作腫用仙方活命飲大蕪荑湯

疔熱為患用大蕪荑湯四味肥兒丸腎經虛熱用地黃丸當臨

疔熱為患用大蕪荑湯四味肥兒丸腎經虛熱用地黃丸當臨



制宜分五臟相勝審乳母之氣何如扶助胃氣爲善  
一女子患疔症因浴熱湯發熱如炎體強如痊此腠理間泄邪  
熱乘虛而內作用十全大補湯一劑頓安同時亦有患此症不  
用補劑者甚至不救

一小兒痘後遍身津滯作庠此兼因疔爲患用大蕪荑湯及蟾  
蜍丸而愈後作渴口中作痛用蟾蜍丸人中白散而安

一小兒痘後毒蝕腮余謂肝脾有熱助疔而患也用大蕪荑湯  
大蘆薈丸爲主以五味異功散爲佐月餘漸愈都以五味異功  
散佐以大蕪荑湯而痊

一小兒唇間痘毒蝕爛恪敷雄黃散益甚余謂兼肝脾疔也先  
用大蕪荑湯活命餘各二劑又用九味蘆薈丸爲主以五味異  
功散爲佐月餘者症漸愈

一小兒患前症發熱作渴兩足晡熱余謂稟腎經陰虛不信恰  
服清熱敗毒而歿

一小兒痘出甚密先四肢患毒膿潰而愈後口患疔延蝕牙齦  
余先用大蕪荑湯活命飲各一劑又用蟾蜍丸人中白散而安

一小兒痘毒蝕陷敷雄黃散服加味解毒散而愈

一小兒臉患之作痛用仙方活命飲又敷雄黃散大蕪荑湯而愈  
韶粉散治痘瘡毒氣未散瘡痂雖落其癩猶黯或凹或凸此藥  
塗之

韶粉 一兩 輕粉 一兩

右煉豬脂油拌勻如膏塗之如痘痂欲落不落當用後方  
羊髓骨髓

右入輕粉研成膏塗之如痘痒搔成瘡及瘡痂欲落不落用



上等白蜜塗之其痂自落亦無痲痕神効  
雄黃散治痘毒牙齦生疳蝕瘡

雄黃一錢 銅綠二錢 右研細量瘡大小乾摻

綿繭散治痘毒蝕瘡膿水不絕

出蛾綿繭不拘多少

右用生礬末碎貫繭內以炭灰燒礬汁乾取出為末乾貼之  
九味蘆薈丸治痘毒成疔齒蝕爛齦或透頰顛或肝脾疳熱結  
核耳內生瘡兩目生翳耳中出水或小便出津拘中結核或  
大便不調肢體消瘦等症

胡黃連 宜黃連炒 蘆薈 木香

白蘆蕒炒 青皮 白雷丸 鶴虱草各一兩

麝香三錢

右各号為末糊九麻子大每服半錢空心木湯下仍量兒之

大蕪蕒湯一名蕪蕒子 治痘瘡上攻口齒成疔發熱作渴大便不

調髮黃脫落面黑便清鼻下生瘡乳食嘔吐等症

山梔仁三分 黃栢 甘草各二分 大蕪蕒五分

黃連 麻黃根一分 羌活二分 柴胡三分

防風一分 白朮 茯苓各五分 當歸

右水煎服

導赤散

生地黄 木通 甘草各等分

右為末每服一錢淡竹葉水煎

則草散治痘瘡搗搔成瘡膿血淋漓用屋爛草或葢墻爛芋年  
遠者佳如無曠野生者尤佳為末搽之如遍身患者須多摻



鋪席上令兒坐臥其瘡即愈

丹粉散治痘毒膿水淋漓

輕粉

黃丹錢各一

黃連末錢三

石研勻搽患處

立效散治一切胎毒瘡疥及風疹痛

大黃

黃柏

山梔

寒水石煨各等分

右為末用清油燭調搽若破而膿水淋漓用當歸膏

大楓膏治一切瘡疥

大楓子肉

研黃連各二兩

真輕粉

桔礬

蛇床子

各一兩柏油六兩

右各另為末入大楓膏和勻更入柏油杵百餘即成膏矣每

用少許塗患處

加味小柴胡湯方見班疹

加味逍遙散方見欲靨不靨

人參平肺散

犀角地黃湯二方見頂陷心煩

柴胡梔子散

方見作庠扒破

三黃散

方見班爛

八珍散

方見頂陷灰白

地黃丸

方見發熱屬陰陽

十全大補湯

方見腹脹氣促

補中益氣湯

當歸補血湯

五味異功散

竹葉石膏湯

四方見泄瀉咬

四味肥兒丸

加味解毒散

人中白散

東垣消毒救苦湯

四方見夾

蟾蜍丸

清胃散

仙方活命飲

三方見痘癰

痲症七

陳文宿先生云痲疹之症俗言疹子是肺胃布熱或時氣所作發於皮膚遍體狀如蚊蚤所咬凡色赤者十生二死色黑者十



無一生錢氏云痲症初發類似傷寒發熱五六日或七八日而出或乍涼乍熱或咳嗽泄瀉不食面赤眼光如水生眵或噴嚏痰涎或熱渴乾嘔或大便急而小便澀余竊謂前症若身熱煩渴者用升麻湯自汗煩渴者化痲湯煩瀉熱瀉自虎蒼朮湯熱盛譫語導赤散咳嗽不已生地黃散吐血衄血或大小便血犀角湯喉間作痛甘桔防風湯咽喉腫痛玄參升麻湯乍涼乍熱小柴胡湯喘嗽不已柴胡五味子湯小便不利柴芩湯熱盛乾嘔解毒湯停食嘔吐或腹脹作瀉平胃散大便不通加枳實飲食已消或仍作嘔四君子湯大便秘或喘滿者先用前胡枳殼湯下之乃用春澤湯瘡後熱毒不除葛根黃連湯餘毒成瘡射于鼠粘子湯消毒餘又有夾痘而出者其勢最速乃血乘其勢而爲患也如大便硬用清涼飲少許下之痲退四君歸芪固其

元氣肢體疼痛用活命飲一服殺其毒氣仍用托裡散治之

一小兒七日不消頭痛發熱防其內陷此表邪未解用葛根麥門冬湯一劑頓解再劑而痊

一小兒惡寒發熱頭痛拘急先用人參羌活散一劑外邪頓散又用五味異功散而安

一小兒用飲不消增寒壯熱頭痛拘急此表邪未解也用人參敗毒散一劑而表邪退再用惺惺散而痊

一儒者年踰二旬患前症煩渴飲冷用竹葉石膏湯化痲湯各一劑熱渴頓愈用快班湯痘瘡頓起用八珍湯而痊

一產婦患此乃風熱所致用惺惺散而風熱散用六味活血湯而痊起發用八珍湯而痊

一小兒患此鼻寒聲重發熱身痊用人參消風散而表症愈後



發熱搔破膿水淋漓脉浮大安之無力此脾胃氣虛不能榮於  
腠理朝用補中益氣湯夕用黃芪六一湯而愈後因感冒服表  
散之劑煩躁發熱面目俱赤脉大而虛用當歸補血湯而痊  
一小兒發熱作湯二便秘溢用大連翹飲二便隨通但嘔吐痰  
涎腹痛不食此邪氣去而真氣復傷也用五味異功散而痊  
惺惺散治風熱時氣瘡疹頭疼壯熱目澁多睡咳嗽喘麓

桔梗

真細辛

人參

甘草

白茯苓

川芎

白朮

各五分

薄荷

右水一盞姜三片煎服

黃連解毒湯治疹毒吐血乾嘔

黃連

黃栢

黃芩

梔子

各三錢

右水煎量大小服

柴胡五味子湯治癍疹喘嗽內即小柴胡湯加五味子

小柴胡湯治癍疹乍涼乍熱似瘧喘嗽

柴胡 三錢

人參

黃芩 各二錢

半夏 一錢

甘草

右生薑三片水一盞煎至六分溫服

柴芩湯治痘疹小便不利

柴胡

黃芩

猪苓

澤瀉

茯苓

白朮 各一錢五分

右薑水煎量大小服

人參消風散治癍症等症

人參 三錢

荆芥穗

甘草 炙

陳皮 各五錢

白僵蠶

茯苓

防風

芎藭

藿香

蟬蛻 各三錢

厚朴 薑製三錢

羌活 二錢

右每服一錢水煎服



人參敗毒散治痲疹發熱惡寒咳嗽等症

人參

茯苓

川芎

羌活

獨活

前胡

柴胡

枳殼

桔梗

甘草等炒各分

右每服二三錢水煎

生地黄散治痘疹煩熱咳嗽

生地黄

麥門冬錢各半杏仁

陳皮錢各一

甘草五分

右水煎服忌酒醋鹽酸之物

白虎蒼朮湯治痘疹痲症

玄參升麻湯

化痲湯三方見水痘痲痘

升麻葛根湯方見後

乾葛麥門冬湯

犀角湯二方見頂陷心狂

快痲湯方見頂陷心煩

六味活血散

活命飲二方見痘癰

大連翹飲

春澤湯

人參羌活散

葛根黃連湯四方見夾疹痘

五味異功散

當歸補血湯

補中益氣湯三方見寒戰咬牙

黃芪六一湯方見作痒抓破

竹葉石膏湯方見泄

射干鼠粘子湯方見靨後發熱

甘桔防風湯方見痘寒戰

前胡枳殼湯方見痘涕唾稠粘

四君子湯方見不靨悶亂

四順清涼飲方見大便不通

水痘痲痘八

陳文宿先生云水痘之症身熱二三日而止或咳嗽面赤眼光如水或噴嚏咳嗽稠粘與痘不同易出易靨不能為害湯民望先生云痲痘乃天行時氣熱積於胃胃主肌肉故發於遍身狀如蚊子所嚙色赤者十生一死色黑者十死一生此症亦與痲



症不同其疵症如錦紋而但空缺處如雲路之狀麻症乃遍身而無空處但以疎密之不同耳麻痘初出咳嗽煩悶嘔逆清水眼赤咽喉口舌生瘡用黃連杏仁湯若催出而成斑爛如錦紋或膿水腥臭心胸咳悶嘔吐清水不時身熱用黃芩知母湯初起發熱疑似之間可服升麻湯然麻症始終宜用麻黃湯表之痘症表與下皆不可大抵發熱煩渴用升麻葛根湯發熱咳嗽人參麥門冬湯發熱煩躁小便不通大連翹飲冬寒膝理開寒葛根橘皮湯

一小兒患之發熱作渴遍身作痛大小便乾澁此熱毒鬱滯於內用葛根麥門冬湯一劑頓安又用解毒湯而愈

一小兒患此身痛發熱煩躁此風邪搏於表也用玄參升麻湯諸症頓解但倦怠發搐此脾虛為肝所侮也用和肝補脾湯而

一小兒患此腹痛煩湯面赤咳嗽痰涎用升麻湯一劑遍身如錦用化癍湯一劑而安又用人參麥門冬散而愈

一小兒疹隱於肉裡而不現煩渴躁熱衄血吐血或便血用解毒湯犀角湯各一劑而血止又用導赤散而愈

一小兒患此寒熱乾嘔先用小柴胡湯加生地黃而寒熱止用解毒湯而發用生料四物湯而全愈

一小兒患此五日不消發熱煩躁右關脈洪數而有力此胃經實熱先用化癍湯一劑又用參滑散而愈三豆飲治天行痘瘡始覺即服之多者必少少者不出

小赤豆

黑豆

菜豆

各一百粒

甘草節

五錢

右水煮發任食之七日自不發

參滑散治水痘



地骨皮

麻黃去節

人參

滑石

大黃煨

知母

羌活

甜葶藶炒

甘草炙

右為末每服半錢水一小盞小麥七粒煎數沸每服三五匙不可多服

按前方發表散邪踈通內熱之峻劑若通身作痛壯熱煩躁作渴飲冷大便秘結小便澀滯喘嗽等症宜多屬表邪或發熱引飲小便赤澀者當用升麻葛根湯如無他症不必用藥

和肝補脾湯治風熱瘡疹脾土不及肝木太過

人參

陳皮

川芎各五分

白朮

茯苓

芍藥各七分

柴胡

甘草炙

山梔炒

右作二劑水煎服

白虎蒼朮湯

石膏四錢

蒼朮一錢

知母一錢

甘草五分

粳米一撮

右水煎服

黃連杏仁湯治麻痘漸出咳嗽煩悶嘔逆清水眼赤咽喉口舌

生瘡作瀉

黃連一兩

陳皮

麻黃去節

杏仁去皮

枳殼炒

葛根各五錢

右每服二錢作瀉者加厚朴甘草

黃芩知母湯治麻症癩爛隱疹如錦紋或膿腥臭心胸閉悶嘔

吐清水溫壯不時

葛根

知母洗

黃芩

麻黃去節



本草綱目卷之八

陳皮 杏仁去皮 甘草各等

右每服二錢若不嘔逆去陳皮加芍藥如吐則用之

升麻葛根湯治瘡疹初起發熱咳嗽似傷寒未辨麻疹

白芍藥 川升麻 甘草 乾葛各等

右水煎每服三錢

化癍湯治癍疹渴熱最良

人參 知母各一錢 甘草五分 石膏末四錢

右加粳米一撮水煎量服之

葛根橘皮湯治發癍煩悶嘔吐清汁兼治麻痘等症

葛根 陳皮 杏仁去皮 麻黃去節

知母炒 甘草 黃芩各半兩

右每服二三錢水煎

玄參升麻湯治癍疹已發未發或身如錦紋甚則語言煩躁喉

閉腫痛

玄參 升麻 甘草各分

右每二三錢水煎服

烏梅丸

烏梅三十箇酒浸肉研爛 細辛 乾薑 附子炮各一兩

蜀椒四兩 黃連一兩 當歸四兩

右為末烏梅肉與米飯和丸桐子大每服數丸白湯下

羌活散即人參敗毒散 犀角湯方見頂陷心狂

葛根麥門冬湯方見頂陷心煩 升麻葛根湯方見痘寒戰

解毒湯 八參麥門冬湯一名麥門冬散方見發熱口渴

小柴胡湯二方見斑症 大連翹飲方見夾疹痘



四物湯 方見斑痘出

導赤散 方見疳蝕之症

痘瘡生癰毒治之症 九

陳文宿先云痘疹首尾不宜與水喫若悞與之痘靨生之後其痂遲落或生癰腫鍼之而成疔蝕以致難愈蓋脾胃外主肌肉飲水過多濕損脾胃搏於肌膚則津液衰少氣血不能周流凝結不散故瘡痂遲落而身生癰腫也張潔古先生云癰腫發於身前手陽明經也發於四肢足陽明經也丹溪先生云痘癰多是餘毒血熱所致當分上下用藥而以涼血為主大便燥實加大黃如不應當分經絡所屬血氣虛實其膿成否竊謂前症初起未成膿者用活命飲隔蒜灸治而消之欲成膿者用活命飲解而潰之氣血虛者八珍湯實而潰之虛而不能斂者托裡散補而斂之大凡發熱腫痛大便不結用仙方活命飲及隔蒜灸

法大便秘結用仙方活命飲加大黃大黃已通腫痛未退再用活命飲一服用托裡散裡其元氣若發熱倦怠大便調和用補中益氣湯未應亦用隔蒜灸若潰而發熱口乾肢體倦怠用東垣聖愈湯膿水淋漓不時發熱用四君參芪若因乳母肝經血虛發熱用加味小柴胡湯肝脾鬱怒發熱用加味歸脾湯膏粱厚味積熱用加味清胃散如專與涼血用敗毒等藥復傷元氣必致成者不能潰潰者不能斂矣  
一小兒腿內側患之痛甚作渴大便不通小腹作脹此表裡俱有毒未盡用活命飲加硝黃一服諸症頓退却去硝黃再劑而  
一小兒左脇近腹患之甚痛惡寒發熱肢體亦痛此餘毒兼外邪也用活命飲加麻黃一服外邪悉退瘡毒亦減仍用前劑去麻黃及聖愈湯而痊



一 小兒赤腫作痛內服外敷皆寒涼之藥用活命飲一服痛頓止而腫未消此涼藥血凝而然也用六味活血散及隔蒜灸而而愈後患口疳流涎牙齦蝕傷用大蕪荑活命飲各二劑却用蟾蜍丸搽人中白散而愈

一 小兒臂患腫痛色赤此欲作膿也用托裡消毒散二劑而膿成又二劑而膿潰用托裡散將愈而發熱惡寒用十全大補湯而愈

一 小兒兩腿臂膝俱腫不能舉動而痛用黃豆末熱水調敷服活命飲而消

一 小兒痘毒潰而腫不消煩躁作渴小便如淋手數尋空此肝脾虛熱也用八珍湯加減八味丸料各二劑而安又用大補湯而愈

一 小兒痘毒腿膝腫此脾腎虛而毒流注也用如聖餅及活命

飲四劑腫痛頓減再用益氣湯地黃丸而痊

一 小兒腿膝腫潰膿水不止晡熱體倦先君謂元氣復傷陰虛所致用補陰八珍湯地黃丸而愈

一 小兒痘毒敷寒涼藥內潰不愈清膿甚多此元氣虛也朝用益氣湯夕用八珍湯各五十餘劑佐以豆鼓餅而愈

一 小兒腮患毒用活命飲腫痛已退肢體甚倦此邪氣去而元氣虛也用聖愈湯元氣少復用托裡散而痊

一 小兒左耳下連項赤腫作痛此少陽膽經火症用梔子清肝湯治其母用活命飲治其子而痊復後作誤服敗毒散潰而不斂瘡口色白余用托裡散而痊

一 小兒出痘七日寒熱作渴兩脇及臂外患痘疔此屬膽經也挑出黑血以小柴胡湯加生地黃一劑熱渴頓止又用活命飲



而痊

一小兒患此面腫腫色如故脉浮而大按之微細余謂此元氣虛而邪從之也當補元氣為善不信及服犀角丸化毒丸而歿神効隔蒜灸法治痘癰大痛或麻木痛者灸至不痛不痛者灸至痛其毒隨火散用大蒜頭切三分厚安上用小艾炷於蒜上灸之每五壯易蒜再灸痛不止尤宜多灸小兒須將蒜切片着肉一而鑿剝小空灼艾燃蒜先置大人臂上試其冷熱得宜然後着瘡上又別灼如前法試之以待相易勿令歇仙方活命飲治痘疔痘毒及一切瘡毒未成即消已成即潰此消毒敗膿止痛之聖藥

- 金銀花
- 陳皮錢各三
- 皂角刺炒
- 川山甲蛤粉用炒
- 乳香
- 沒藥
- 白芷
- 防風

- 當歸錢各一
- 貝母
- 天花粉
- 甘草節各七分

右每服五錢酒煎嬰兒母同服為末酒調服亦可若勢甚而邪在表者加麻黃散之而毒在內者加大黃下之當臨症制宜此解回生起死之劑但元氣脫者不治六味活血散治癰疽瘡痛初起紅腫不散

- 當歸
- 川芎
- 赤芍藥
- 生地黄
- 紅花
- 蘇木各等分
- 右水煎量服之

托裡散治痘毒元氣虛弱不能潰散未成用之自消已成用之自潰

- 人參
- 黃芪炒各二錢
- 當歸酒洗
- 自朮
- 陳皮
- 熟地黄
- 茯苓
- 芍藥炒各一分
- 甘草分五
- 右三五錢水煎服

薛氏醫案 保嬰撮要卷十八



托裡消毒散治痘毒氣血虛弱不起發腐潰收斂或發寒熱肌肉不生

人參

黃芪

當歸 酒洗

川芎

芍藥 炒

白朮

陳皮

茯苓 各一錢

金銀花

連翹

白芷 各七分

甘草五分

右每服三五錢水煎

東垣聖愈湯治膿潰心煩無寐體倦少食

熟地黄 白製各二分

生地黄 各二分

人參

川芎 各三分

當歸

黃芪 各五分

右水煎服

濟生歸脾湯治脾血虛損健忘驚悸或心氣虛不能攝血歸源以致妄行或吐血下血或因乳母心脾二經有熱瘡不結痂或瘡痕赤色加柴胡山梔即加味歸脾湯

人參

白茯苓

黃芪

白朮

龍眼肉

當歸

遠志

酸棗仁 炒各二錢

木香 一錢

甘草 五分

當歸身 一錢

右薑棗水煎母子同服

東垣清胃散治胃經有熱齒牙作痛或飲冷作渴口舌生瘡或唇口腫痛焮連頭面或重舌馬牙吐舌流涎若因服尅代之劑脾胃虛熱口舌生瘡或弄舌流涎或嘔吐困睡大便不實者用五味異功散

升麻 五分

生地黄 四分

黃連

當歸 稍四分

右水煎服嬰兒母亦服

替針丸治痘癰膿已成不潰

陳壞米 一錢

硃砂 五錢

雄雀糞 四十九粒真雄雀糞直者是也



右爲末米粥丸如麥粒大每用一粒粘瘡頭上以膏藥貼之  
牛胸其膿自出若瘡頭透而膿不出或出而愈痛或發熱血  
氣虛也用托裡散或作嘔吐痰食少體倦脾氣虛也用六君  
子湯

神効大乙膏治一切瘡疽潰爛

玄參

白芷

當歸

肉桂

赤芍藥

大黃

生地黄

各一兩

右咬咀用麻油四十兩入銅鍋內煎至藥黑搥去粗徐入淨  
黃丹一斤再煎滴水成珠捻軟硬得中卽成膏矣

神効當歸膏治痘毒津滯或湯火等症及瘡腐不能生肌收

當歸

黃蠟

生地黄

各一兩

麻油六兩

先將當歸地黃入油煎去粗入蠟熔化候溫攪勻

卽成膏矣

豆豉餅治瘡瘍腫痛或硬而不潰及潰而不斂并一切頑瘡毒  
癩用江西豆豉爲末唾津和成餅大如銅錢厚如三四錢置  
患處以艾鋪餅上灸之未成者卽消已成者祛逐餘毒間有  
不効者乃氣血虛敗之症參疔瘡論灸法用之

神功散治瘡瘍初起腫痛者用之可消加血竭更効

黃柏

炒爲末

草烏

生爲末

右用漱口水調敷常以漱水潤之

飛龍奪命丹治痘疔痘毒痘癰或麻木嘔吐重者昏憤咬牙

真麝酥

乾者

輕粉

各一錢

枯白礬

寒水石

銅碌

乳香

沒藥

麝香

朱砂

六錢

蝸牛

四十二箇另

研如無亦可



右各為未入蟾酥蝸牛或加酒少許糊丸菉豆大每服一九  
溫酒或葱湯送下重者外用隔蒜法灸甚者多灸或着肉灸  
五福化毒丹治痘毒實熱腫痛

生地黄

熟地黄

天門冬

麥門冬

去心

玄參

甘草

甜硝

青黛

各二兩 各三兩 一兩

右為未密丸菉實大每服一九白湯化下

犀角消毒丸治痘疹餘毒一切瘡毒

生地黄

荆芥

當歸

犀角

屑

防風

牛蒡子

赤芍藥

連翹

桔梗

薄荷

黃芩

甘草

右為未密丸菉實大每服一九白湯化下

按化毒丹降火涼血解毒寒中之劑消毒丸清熱解毒破血

之劑益小兒臟腑脆嫩元氣易傷况痘後氣血皆虛豈能勝  
當此劑若胃氣一傷則未成者不能消散已成者不能腐潰  
已潰者不能生肌殊不知痘瘡乃臟腑所發遍身之血皆化  
為膿况此方愈而患此乃脾胃虛怯肌肉消弱榮衛短濇所  
致治者審之

蟾蜍丸

蟾蜍

一枚夏月溝渠中腹大不跳不鳴身多癩癩者

右取糞蛆一杓置桶中以尿浸之桶上要乾不令蟲走出却  
將蟾蜍撲死投蛆中食一晝夜以布袋盛置浸急流水中一  
宿取出瓦上焙為末八麝一字粳米飯丸麻子大每服二十  
丸米飲下

八珍湯

方見頂陷灰白



小柴胡湯

方見痲症加味小柴胡湯

梔子清肝散

方即柴胡梔子散

十全大補湯

方見腹脹氣喘

當歸補血湯

補中益氣湯

二方見寒戰咬

六味地黄丸

加五味子肉桂

四君子湯

方見痘不靨悶乳

加味逍遙散

方見欲靨不靨

加味歸脾湯

方見痘疔

加味清胃散

方見痘不結痂

大蘆薈丸

方見風邪搏於腕

人中白散

如聖餅

補陰八珍湯

三方見夾疹痘

痘疔

痘疔又謂之賊痘或三五枚或五七枚間雜于諸痘之間其色紫黯作痛不寧以致諸症蜂起不能貫膿甚至不救乃熱毒勢甚併結也用仙方活命飲如二便秘澀量加大黃遍身拘急加

麻黃外必用線針挑破出黑血或吮出毒血以泄其毒餘痘纔得貫膿否則其毒無從而解必致不起如未應急用隔蒜灸若毒氣盛者或不知痛者不用蒜隔就着肉灼艾灸之若灸後瘡頭紅腫發焮用針挑破出毒血灼艾尤好雖此法未出方書予屢用屢驗者世多用至寶丹之類亦不可恃  
一小兒有疔二枚諸痘焮赤作痒而不貫先君以針挑破隔蒜灸至五十餘炷而貫又十餘壯而痛止用活命飲末二錢熱酒調服出紫血又二服疔毒悉退痘漿悉貫更用犀角消毒散愈而  
一小兒患疔挑出毒血服活命飲而痘愈但疔處或痒或痛痘用活命飲隔蒜灸而愈用參芪四聖散而靨  
一小兒痘疹有疔數枚雖挑出毒血餘毒不解先君用仙方活命飲一劑徐徐灌之毒解漿貫而愈



一小兒患痘疔遍身焮如丹毒內紫色者三枚用活命飲隔蒜灸其勢漸退又用活命飲未二錢漿漸貫更用四聖散犀角消毒散而愈

一小兒出痘第七日寒熱作渴兩脇及臂外側膽經各患痘疔先用針挑出黑血乃用小柴胡湯加生地黃一劑熱渴頓止又用活命飲一劑而痊

一小兒出痘稠密痛甚色赤翌日變黑索水飲之神思稍清先用活命飲未冷酒調服三錢痛雖稍緩其痘如指色赤腫高又用奪命丹一粒腫痛十減六七又用活命飲未一服溫酒調又得減三四再服而漿貫却用四聖散而痊

犀角消毒散治癩疹丹毒發熱痛痒及瘡疹等症

牛蒡子

甘草

荆芥

防風各五分

犀角鎊二分

金銀花三分

右水煎熟入犀角傾出服

仙方活命飲

飛龍奪命丹

隔蒜灸法三方見痘癰

四聖散方見腹脹氣促

小柴胡湯方見癰症

麥疹痘十一

夫疹乃風邪外患痘為胎毒內發二症並作臟腑俱病也二者相雜赤暈發焮痘瘡愈盛誤謂痘出大密多不可救然此乃疹夾痘也當治以人參羌活散疹毒即解痘勢亦退其元氣虧損不能結痂當補脾胃為急也

人參

羌活

獨活

柴胡

前胡

桔梗

茯苓

枳殼



川芎

天麻

甘草

地骨皮各三分

右入薄荷五葉薑水煎服

東垣消毒救苦湯治癰疹悉自消化使令不出已出稀者再不

生癰十一月立此方隨四時加減通造化明藥性者能之

麻黃根

羌活

防風

升麻各五分

柴胡

川芎

藁本

葛根

酒黃芩

生地黄各二分

細辛

生黃芩各一分

黃連

酒黃栢

紅花少許

蘇木

當歸身

吳茱萸五分

白朮

蒼朮二分

生甘草一分

橘皮

連翹半分初出減出大盛者加之

右每服三五錢水煎熱服

人中白散

人中白煨一兩

黃栢炒黑三錢

右為末搽口內

如聖餅治一切瘡瘍硬腫不能消散或毒不能解散

乳香

沒藥

木香

血竭

當歸等分

麝香少許

右各另為末酒糊和為餅炙熟熨患處惡瘡加蟾酥等分

四味肥兒丸

肥兒丸各小

治食積脾疳目生雲翳口舌生瘡牙齦腐

爛發熱瘦怯遍身生瘡等症或痘後患之

黃連炒

蕪荑炒

神麩炒

麥芽炒等分

右為末水糊丸桐子大每服二三十丸空心白湯下

加味解毒散治癰疹痒痛寒熱甚者煩躁譫語并痘毒發熱咽

乾



薛氏醫按

犀角錢五 連翹錢二 牛蒡子錢三 薄荷錢一

甘草五分 右為末每服一二錢滾湯調下

補陰八珍湯即八珍湯加黃柏知母炒黑

葛根黃連湯治疹後身熱不除

葛根五錢 黃連三錢 黃芩二錢 甘草半錢

右水煎服

獨參湯人參一兩 薑棗同煎 春澤湯

人參 白朮 茯苓 澤瀉 猪苓 右水煎服

大連翹飲

連翹 黃芩 嬰麥 木通 滑石 柴胡 防風

荆芥 甘草 蟬蛻 山梔 赤芍藥

右每服三四錢水煎服

保嬰撮要卷十九續集 薛氏醫按

吳郡薛 已著 江都吳中珩校

痘稠密一

張潔古先生云一發稠密如針頭者形勢重也輕其表而涼其內連翹升麻湯主之然稠密之處各有經絡部分所屬額主心面主胃腹與四肢主脾脇主肝兩腋主肺下部主腎肩背主胸肱當隨見症治之若面色黃大便黑煩躁喘渴或腹脹者瘀血在內也用犀角地黃湯或抱龍丸生犀角汁但根窠分明肥滿者無妨竊謂前症若屬心經用導赤散之類胃經用犀角散之類肝經用柴胡湯之類大凡稠密者熱毒熾盛也若密而不痛用東垣消毒散若密而作痛用仙方活命飲若密而小便不通用八正散若密而大便不通用承氣湯若密而惡寒發熱用麻

薛氏醫按



黃甘草湯一小兒十三歲痘瘡稠密而痛脈洪數而有力先君用仙方活命飲二劑先出者痛頓止後出者隱於肉裏用東垣消毒散二劑隱者悉消又用活命飲一劑脈靜身安而痊

一小兒出痘稠密身側尤甚焮赤呻吟飲乳不徹先君謂肝膽之火助邪為患故身側尤多乃乳母肝火傳變也用柴胡梔子散治其母子飲數滴而靨

一小兒痘瘡甚密身側尤甚貫膿不滿不紅活或云當歿於十二日余以為氣血虛弱用八珍湯加糯米百粒數劑至十五日而愈

一小兒痘密而灰白色始末悉用補托之藥安後飲食過多嘔吐面青白唇目牽動先君以為慢脾風症之漸不信翌日手足時搐用五味異功散加木香乾薑而愈

一小兒痘稠密色赤先君以為熱毒用東垣消毒散一劑初出者頓起後出者悉沒再劑如期而靨

一小兒稠密色黑煩躁喜冷手足並熱先君謂火極似水令恣飲芹汁煩熱頓止先用犀角地黃湯次用地黃丸料服之而愈

一小兒稠密出遲用四聖散而起發用參芪內托散而靨後發熱惡寒用八珍湯而愈

一小兒痘密而痛用東垣救苦湯一劑痛頓止用柴草木而愈

一小兒痘密身痛如刺用活命飲一劑其痛即止又用犀角消毒散而愈

一小兒痘初出密痛用東垣救苦湯痛頓止又用四聖散而發用犀角消毒而愈

麻黃甘草湯治表實痘毒焮盛稠密



麻黃

生甘草

右水煎服

柴胡梔子散

方見作痒抓破

柴草甘草枳殼湯

方見痘喘

甘桔防風湯

方見痘咳軟

東垣消毒散

一名救苦湯方見痘身痛

紫草木通湯

方見小便不利

仙方活命飲

方見痘癰

六味地黄丸

方見痘瘡發熱屬陰陽

四聖散

方見痘腹脹氣促

小柴胡湯

方見癰症

柴胡清肝散

即柴胡梔子散一方見痘湖熱

紫草散

方見頂陷心煩

抱龍丸

方見痘癰搐

犀角消毒散

方見痘疔

痘吐瀉

痘疹方云痘疹吐瀉蓋因脾胃不和飲食不調煩渴嘔吐泄瀉並用白朮散然瘡疹皆賴脾土脾土實則易出易靨萬物得上

氣溫煖而生吐瀉則傷脾土遂有更變之症夏月中暑煩渴瀉或腹痛或欠筋用五苓散加藿香復食吐瀉用小異功散手足並冷者用益黃散荳蔻丸頂陷灰白用木香散瘡正出而吐瀉者或見血者俱為逆症難治竊謂前症雖因脾胃不和然邪實上焦則宜吐邪實下焦則宜瀉如吐瀉變腐吞酸皆宜宜發但微甚不同耳張翼之云若痘疹吐瀉少食為裡虛陷伏倒靨灰白為表虛二者俱見為表裡俱虛合用十二味異功散救之甚至薑附靈砂亦可用若止裡虛去官桂止表虛減肉荳蔻若能食便秘倒靨為裡實而補當用錢氏及丹溪法下之皆為能食為裡實裡實而補則結癰毒紅活結凸為表實表實而補則潰爛不結痂凡痘見癰便忌葛根湯恐發表虛也如有更變當隨症治之



一 小兒痘初出忽吐瀉飲乳不歇屬脾胃虛弱用人參白朮散作大劑母子並服又用五味異功散為未時以乳調服吐瀉止而靨

一 小兒出痘作瀉手足並冷用十二味異功散稍愈又用五味異功散加薑桂一劑而止又去薑加木香一劑再用參芪四聖散而靨

一 小兒痘瘡愈而作瀉不食此脾氣內虛先用五味異功散而瀉止食進後又傷食吐瀉發搐仍以五味異功散加天麻柴胡而愈一 小兒痘後作瀉腹中疼痛手足並冷此脾氣虛也用五味異功散加乾薑一劑乃去薑又數劑而痛止又用六君子湯加柴胡而瀉止

益黃散治瘡疹因煩渴飲水過多而傷脾胃吐瀉

丁香

訶子煨

青皮

陳皮

木香

各等分

右為末每服一錢水煎

橘皮湯治嘔吐不止飲食不入

陳皮

生薑

各一錢

人參

五分

右水煎作三四次服之

生氣散治脾胃氣虛吐瀉肚腹膨脹飲食不化或腹痛不止

丁香

甘草

各五分

白朮

青皮

木香

人參

各七分

右水煎徐徐服

五苓散

方見水便利

五味異功散

方見寒戰咬牙

對金飲治傷食吐瀉

方見不靨悶亂

荳蔻丸

方見泄瀉咬牙

十一味木香散

十二味異功散

二方見頂陷灰



人參白朮散

方見發熱屬陰陽

參芪四聖散

方見腹脹氣促

六君子湯

方見不膈悶亂

自汗

痘疹方云初起時自汗不妨益濕熱薰蒸而然也竊謂前症因邪在經絡自能發散使邪氣外泄若見此症不當用芪桂之屬以實腠理且自汗則痘熱已輕升麻葛根之類在所當禁恐發泄太甚則津液內耗陰隨陽散難以收靨靨後最宜審治若血虛者用當歸補血湯氣虛者用四君子加黃芪氣血不足者十全大補湯若飲食自汗者異功散楊氏云痘瘡一見紅點升麻葛根便不可用此語甚是但此爲表虛及無表症者而論若或邪在表痘赤綻焮者又當用麻黃甘草湯汗之腫焮作痛者用活命飲加麻黃散之益白汗盜汗爲病不同自汗者汗無時而

自出也屬陽虛盜汗者睡則汗出寤則汗收也屬陰虛汗者血之所化陰氣不能閉藏所以睡則汗出也痘家當以補血爲主若當歸補血湯六味地黃丸八珍湯人參養榮湯之類皆可因症施治又有胃虛者宜用四君及浮麥散食積內熱者宜用四君麴蘖未靨之際恐致氣血虛而不能結痂旣靨之後尤防血脫陰虛陽無所附矣

一小兒痘將出自汗作渴發搐此心肝二經熱甚用柴胡麥門冬散而熱症退用紫草快癩湯痘悉見又用四聖散而結靨一小兒痘出自汗發搐流涎此木火侮土先用五味異功散加釣藤釣諸症頓減次以五味異功散加柴胡而安一女子出痘色赤自汗發搐作嘔此肝火侮土先用五味異功散加柴胡釣藤釣熱搐悉愈又用托裡散漿貫而愈



一小兒痘出自汗面赤作渴手足並熱大便乾黃此腸胃皆熱用瀉黃散末一服諸症頓退又用托裡散功散加山梔麥門冬而人參養榮湯治氣血俱虛發熱惡寒肢體瘦倦食少作瀉或久病虛損口乾欬而下痢驚熱自汗盜汗

白芍藥錢炒半人參

陳皮

黃芪炒

桂心

當歸

白朮炒

甘草炙各錢

熟地黄

自製七分五味子梓炒七分遠志五分

右每服二三錢薑棗水煎

麻黃甘草湯

麻黃

甘草等分

右每服一錢水煎

浮麥湯

浮麥不拘多少炒香

右每服三五錢水煎

當歸六黃湯治血氣不足虛火內動煩躁自汗盜汗不止方見煩躁

庠塌

陳文宿先生云痘瘡痒塌若臟腑調和血氣充實外常溫煖內無冷氣必無此症設服宜利之藥所致宜用異功散治之丹溪云痘疹痒塌者於形色脉上分之實則脉有力氣壯虛則脉無力氣怯虛痒則實之更加涼血藥實痒則大便秘結以涼藥下之竊謂前症若色赤而兼痒者屬血虛有熱用四物牡用皮色白而兼痒者屬氣虛有熱用四君加芎歸若發熱大便秘結者用犀角消毒散發熱大便調和者用麥門冬飲寒別渴瀉喘嗽聲啞氣急先用十一味木香散如未應急用十二味異功散外



用則草散敷之若寒戰咬牙煩熱喘渴足冷灰白內陷腹脹渴瀉者皆不治

一小兒出痘六日痒塌寒戰錢密菴謂血氣虛寒用十一味木香散二劑而漿貫用參芪托裡散而靨脫後痕作痒用大補湯

一小兒第七日痒塌少食手足俱冷發熱惡寒先君謂陽氣虛寒用十二味異功散一劑而痒止又用托裡散加肉桂四劑而漿貫用十全大補湯而結靨後痕赤作痒此血氣虛熱用八珍湯二十餘劑而愈

一婦人出痘熱數日而發見用紫草快癩湯雖紅活而痒塌詢其素勤勞元氣頗不充實用八珍湯煩熱漸止又用托裡散而

一小兒十六歲第九日痘塌口乾發痒手冷腹脹先君謂脾胃血氣虛弱用五味異功散加歸芪薑桂四劑痒漸止又用十全

大補湯六劑漿貫用八珍湯數劑而靨後遍身不時作痒或痘痕色赤用補中益氣湯而痊

一小兒痘漿不滿面赤作痒余謂血氣虛而有熱欲與溫補不信服清熱之藥至十三日瘡痕色赤煩渴腹脹不食手足

五味異功散治痘瘡脾胃氣虛痒塌方見寒戰咬牙

紫草快癩湯方見頂陷心煩 四物湯方見痘瘡出遲

四君子湯即六君子湯出陳皮半夏方見不靨悶亂 托裡散

犀角消毒散二方見痘癰 十全補湯方見腹脹

八珍湯 十一味木香散

十二味異功散三方見頂陷灰 倒靨

丹溪先云痘瘡倒陷因真氣虛而毒氣不能盡出者生用黃芪



人參紫草酒製治之若將成就之際却淡色者屬血虛用當歸川芎之類或加紅花紫草屬熱毒者用升麻芩連梗翹之類甚者用犀角屑大解痘毒竊謂前症若熱毒方出忽被風寒閉寒肌竅血脉不行身體作痛或四肢微厥痲點不長或變青紫黑色者此爲倒靨若胃氣虛弱不能補接榮衛出而復沒者謂之陷伏誤用解毒之藥必致陷塌若喜熱飲食手足並冷者乃脾胃虧損陽氣虛寒之症宜用辛熱之劑補之喜冷飲食手足並熱乃陽氣實熱之症宜用苦寒之劑瀉之外感風寒者溫散之毒入腹者分利之陽氣虛者溫補之外寒觸犯者薰解之陳宿州先生用十二味異功散以預保脾土於未敗之先實發前人之未發開萬世之矚曠也

一小兒痘將愈忽黑陷余謂氣血虛用紫草散加入人參當歸又

用參芪托裡散而愈

一小兒將愈而倒靨咬牙寒戰手足並冷飲沸湯而不知熱用十二味異功散一劑諸症頓退却用五味異功散倍用參朮數劑而愈

一小兒痘飲食多而作吐服枳朮丸色黑將陷用五味異功散加乾薑二劑貫漿而靨

一男子發熱昏憤數日發紅點用快癩湯托裡散貫漿將靨忽發熱惡寒瘡黑倒靨手足並冷口渴飲湯此陽氣虛寒也用獨參湯四劑諸症漸愈而靨

一小兒兼嘔手足並冷余謂脾氣虛寒欲用十二味異功散不信另用雜藥而效

成都方士禹太和治痘瘡黑陷垂死者用壁間喜蛛如黃痘大



者一枚搗爛一歲兒用雄黃一分二歲二分十歲者用一錢入  
蜘蛛內研勻用好燒酒調服愚意此卽木香散異功散之類也  
若因陽氣虛寒不能榮運週身以致四肢逆冷腹脹唇青黑陷  
者宜用燒酒若因元氣虛弱色白隱於肌膚而不能起發者宜  
用陳酒亦不可拘泥於燒酒也若小兒未及週歲或兒大者宜  
酌量與之不可拘於杯許也又有一等疰氣血俱虛者或色淡  
紅不光澤不起發或驚悸咬牙者加紫草紅花以用之  
七味白朮散 方見發熱屬陰陽 十一味木香散  
十二味異功散 方見痘灰白

癰爛

聞人氏云痘癰爛之症因當發散而不發散則毒氣閉塞以致  
喘促悶亂不當發散而誤發散則毒隨陽氣暴出於外遍身皮

膚潰爛治宜調脾胃進飲食大便調和榮衛健旺毒氣自解而  
無目赤咽痛口瘡吐衄等虛竊謂前症若發表過甚大便自利  
急用理中丸荳蔻丸以救其裡亦有痘疹如蚊所嚙而色黑乃  
危症也若大小便秘結煩躁用山梔子湯獐猪尾血調腦子治  
之自利不食者不可用葢毒發於表而妄汗之則腠理開泄榮  
衛益虛轉增瘡爛由是風邪乘虛變症者有之若毒根於裡而  
妄下之則內氣愈虛毒不能出而反入焉由是土不勝水變黑  
歸腎身體振寒兩耳尻冷眼合肚脹其瘡黑陷十無一生 治者  
審之  
一小兒患此發熱作渴手足並冷此脾經熱毒先用瀉黃散五  
分又用七味白朮散而愈

一小兒患此但惡寒發熱體倦頭痛人迎脈大於寸口二三倍  
此風邪外傷用補中益氣湯加川芎蔓荊子愈而自靨



一 小兒患此口舌生瘡手足並冷余謂此中氣虛而內熱耳用  
五味異功散議論不一猶豫未服翌日腹痛口噤余用前藥更  
加乾薑一劑諸症稍緩再劑而愈

一 小兒患此或痒或痛發熱口渴先用白朮散次用補中湯而  
愈後因作課勞心發熱頭痛痘痕焮赤用補中湯加蔓荊子及  
八珍湯而愈

一 小兒患此作痛喜飲熱湯發熱惡寒手足並冷余謂此中氣  
虛而外假熱也用補中湯加參芪各三劑四劑而愈

一 小兒患之多在兩脇時發寒熱此肝經之症用加味逍遙散  
而寒熱退又二劑而脇痛止及立効散而痊

一 小兒患之作渴發熱額間為甚此心經有熱先用導赤散母  
服漸愈又用柴胡梔子散傳三黃散而痊

一 小兒患之發熱作渴面目多白尺脉數而無力此稟足三陰  
虛也用地黃丸補中湯尋愈畢姻後患瘵症服黃栢知母等藥  
幾危余仍用前藥而痊

一 小兒患此體倦惡寒此脾胃氣虛也用補中益氣湯數劑而  
愈後因飲食停滯發熱而痘痕復赤先用陳皮參朮神麴山查  
消食仍用補中益氣湯調補脾胃而愈若誤用敗毒之劑決不  
起矣

一 小兒痘愈後因勞痘痕作痒搔破膿水淋漓面色皎白脉浮  
大按之如無余用補中益氣湯漸愈或云先攻其邪而後補之  
乃用消風散變痘汗出口噤而死惜哉

山梔子湯治痘疹及癩毒狀如蚊蚤嚙毒盛黑色者

梔子仁一兩 白蘚皮 赤芍藥 升麻各一兩

寒水石 甘草各五錢



右為末每服一錢水八分入柴草

三黃散治疔熱生瘡膿水浸淫膿流處便濕爛

松香 五倍子 黃連 黃丹

海螵蛸各一錢 輕粉 雄黃

右為末用瑩肌散煎洗滌之乾者香油傳

豆蔻丸 方見泄瀉咬牙 五味異功散

補中益氣湯 二方見寒戰咬 柴胡梔子散 即柴胡清肝散

加味逍遙散 方見欲瀝不瀝 地黃丸 即六味地黃丸

七味白朮散 二方見發熱屬 瀉黃散 方見瀝後發咽痛

導赤散 立効散 二方見風邪搏於肌膚

### 痘癩搗

錢氏云痘疹癩瘡由內相勝也惟心癩脾疹能作搗蓋疹為脾

所主脾虛而不勝土風熱相搏而動於心神心喜熱神氣不安  
因搗成癩癩為心所生心主熱熱生風風屬於肝二藏相搏風  
火相爭故發搗當瀉心肝若涼驚用涼驚丸溫驚用粉紅丸海  
藏云諸痛痒瘡瘍皆屬心火無論虛實皆從心火上說脾虛則  
肝氣乘之與心火相合耳若脾土實心火旺而逆乘以致癩者  
此實邪也便結者瀉青丸便軟者瀉心湯潔古云未出而發搗  
者是外感風邪之寒內發心火之熱所作也當用解毒丸犀角  
地黃丸主之世傳云瘡疹欲出身熱煩躁忽發驚搗宜用驅風  
膏小如聖飲小便不通八正散痰涎壅盛利驚丸抱龍丸丹溪  
云欲發瘡疹先身熱驚跳搗搗此非驚風宜用發散之藥竊謂  
前痘痘疹未見而先發搗者乃毒氣自心經出也若病勢輕緩  
或形氣虛弱者不宜用峻厲之劑恐三氣內損則毒氣內陷而



瘡不能起發或感風寒之邪內已瘡疹之熱而相搏或肝血虛火動而內生風當補元氣為主佐以見症之劑然前方多峻厲之劑審有是症方可用須察其色赤白而以脾胃為主虛則用溫補實則用解毒若先發搐而後發瘡多有生意瘡已瘥而發搐或吐瀉者難治

一小兒痘痂脫盡因其穢氣用葱椒煎湯浴之發搐痰喘用八珍加白僵蠶蟬蛻一劑痰喘頓止又用四君芎歸鈎藤而止

一小兒痘瘡色赤四肢發搐眉唇牽動此心肝二經熱甚乘脾所致也用四君防風鈎藤鈎而痊

一小兒痘後四肢發搐眉稜尤動小便頻數臉目青赤此肝經風熱用四物柴胡山梔少愈但四肢倦怠飲食少思大便不實此脾氣受傷而未復也用四君升麻當歸而痊

一小兒痘後寅卯申酉時熱甚或兼搐余謂寅卯時發熱此肝火本症申酉時發搐乃肝木侮金先以四物白朮茯苓鈎藤鈎煎送柴胡二連丸而愈夕用地黃丸朝用四君山梔柴胡及四君子加當歸而痊

一小兒痘瘡色赤發搐痰盛服抱龍丸而頓愈又因母大怒兒仍搐母服柴胡梔子散加味逍遙散母子並愈

一小兒痘愈後發搐左額青赤唇口牽動余謂肝心二經風熱所致先用柴胡梔子散加鈎藤鈎後用加味逍遙散而搐止再用五味異功散而痘愈

一小兒痘將愈發搐痰湧頭目不清脾氣虛弱肝木侮之先用五味異功散加柴胡鈎藤鈎搐愈而靨

柴胡二連丸治肝經實大



柴胡 宣黃連 胡黃連

各末糊丸桐子大每服二三十九白湯下

補中益氣二方見寒戰咬 六君子湯方見不屬悶亂

四神丸方見泄瀉咬牙 十一味木香散方見頂陷灰白

痘風

丹溪先生曰痘風分氣血虛實虛則黃芪生血之劑主之佐以風藥實則白芍黃芩為君連翹白芷斷續之類為佐竊謂前症更當發痘瘡已出未出已靨未靨外邪所傷內虛火動若未出而搗搗熱毒內蘊也紫草快癩湯加鈞藤鈞已出紅綻而搗搗熱毒作痛也東垣消毒散加鈞藤鈞貫膿而搗搗血氣虛也參芪四聖散加鈞藤鈞若靨後而搗搗血氣尤虛也八珍湯加鈞藤鈞或目睜或直視者風火相搏也柴胡梔子散或六味地黃

九加柴胡山梔或口角流涎者木乘土也五味異功散加升麻柴胡鈞藤鈞或目赤眵淚者肝血虛而生風也四物湯加柴胡鈞藤鈞或角弓反張者水不生木也六味地黃丸加柴胡當歸隨用補中益氣湯加天麻鈞藤鈞不可直用治風之藥蓋風藥能燥血散氣必驗其手足冷熱溫和三症而用補瀉調理之法庶無誤矣如嬰兒當審乳母而治之

一小兒痘瘡將愈發搗服牛黃清心丸更口噤流涎此脾胃復傷肝木所侮而涎不能歸經耳先用五味異功散加鈞藤鈞諸症頓減次以五味異功散加柴胡而安

一婦人出痘因怒發搗痘痕赤色發躁作渴面目皆赤此許多亡陽血脫而然也先用當歸補血湯二劑躁渴頓止又用八珍柴胡牡丹皮鈞藤鈞熱搗悉愈又用八珍湯而痊



一婦人痘瘡將愈因怒發搐口噤頭痛如裂痘痕皎白用補中益氣湯加蔓荊子鈞藤鈎頭愈又因怒發搐頭運不食先用補中益氣湯加天麻又六君柴胡而安

當歸補血湯治痘瘡血氣虧損發搐熱渴喜飲脉洪大而虛重按如無者 方見寒戰咬牙

抱龍丸治痘瘡風熱發搐或痰甚者

膽星 四兩 天竺黃 兩 雄黃 硃砂 各五錢

麝香 少許

右為細末用甘草一觔煎膏為丸每一兩作二十九丸用薄荷或燈心湯化下

按前方肝經清熱豁痰利氣祛風之藥過劑則脾肺復傷而反甚或更加胸腹作脹食少作嘔者宜用人參白朮散 倍補中氣

造牛膽南星法蜡月南星中大者為末用黃牛膽汁拌勻仍入

膽殼內以線扎口懸掛當風處陰乾隔年方可用重製二三

次者尤妙

小柴胡湯 方見痲症 柴胡二連丸 方見前

六味地黃丸 方見發屬陰陽 四物湯 方見痘瘡出遲

十全大補湯 方見腹脹氣促

痘潮熱

張潔古先生云痘疹未有不因潮熱而出者觀其熱之時知自何臟發出寅卯辰時屬肝出水泡巳午未時屬心出痲瘡申酉戌時屬肺為膿泡亥子丑時屬脾出疹子惟腎獨居腑下不受穢濁故無症耳竊謂前症當察其虛實若壯熱飲水便秘屬實熱也少用清涼飲下之發熱飲冷大便不秘屬虛熱也宜人參



白朮散補之若下而發熱愈甚此陰虛而陽無所附也用四物  
參芪之類補之若下而潮熱面赤者血氣發躁也用當歸補血  
湯補之若見驚搐等症乃肝虛而内生風也用四物天麻釣藤  
鈎補之用發散之劑而熱愈甚此表虛而外熱也用四君當歸  
黃芪補之

一小兒先潮熱午前甚面青痘赤出而熱不止或時發搐手足  
不熱不冷此陽明胃經症爲肝木所侮先用補中益氣湯加釣  
藤鈎四劑而熱止痘色紅活乃去鈎藤鈎又四劑而貫漿用八  
珍湯而痊

一小兒痘紅活寅卯時潮熱作渴此肝經風熱症用柴胡梔子  
散末三服熱止漿貫又用八珍湯山梔丹皮而靨

一小兒靨後潮熱手足微冷余謂胃氣虛弱用五味異功散佐

以補中益氣湯而愈因飲食過度前症復作更腹脹大便不實  
小腹重墜此脾虛也用補中益氣湯而痊

一小兒痘後不時寒熱噫氣飲食吞酸服二陳枳實黃連更集  
熱如瘧腹墜下氣此中氣復傷而下陷也朝用補中益氣湯  
用五味異功散各加乾薑木香而愈

一儒者先潮熱出痘面青脇痛此肝經之症用四君柴胡當歸  
山梔二劑脇痛稍緩又佐以加味逍遙散而痛止却用托裡散  
漿貫而靨後又潮熱用地黃丸而愈

一婦人患此誤服寒涼之劑煩躁作渴飲沸湯而不知熱脈洪  
數按之微細此血氣俱虛用大劑十全大補湯加薑桂四劑更  
惡寒咬牙此虛極而藥力未能及也於前藥內更加附子一片  
二劑諸症頓退乃去附子又二劑將安去薑桂常服而痊



一 小兒痘愈後潮熱飲食少思面色痿黃久治不愈熱後面與手足如水余謂脾氣虛寒當用六君薑桂不信而死手足皆黑

柴胡梔子散治痘瘡肝經有熱寅卯時發熱或寒熱往來或發熱驚搐或咬牙不止四肢勁強方見膿水淋漓

加味逍遙散即逍遙散加牡丹皮山梔治因乳母肝脾血虛發熱致兒發潮熱瘡不能愈者方見欲屬不屬

人參白朮散方見頂陷灰白 六味地黄丸二方見發熱屬陰 清涼飲方見大便不通

八珍湯方見痘癰 十全大補湯方見腹脹氣促 五味異功散三方見寒戰咬牙

并之散方見痘癰 當歸補血湯方見寒戰咬牙 補中益氣湯方見不屬悶亂 四君湯方見不屬悶亂 回物湯方見痘出遲

痘吐逆

世傳方云痘瘡吐逆無痰益黃散有痰二陳湯或橘皮湯半夏湯不止加丁香若吐而瀉者亦宜益黃散及陳氏木香散異功散吐而身熱煩渴腹滿氣促大小便澀而赤者當利小便竊謂前症若手足並冷渴飲熱湯或腹作痛中氣虛寒也宜用益黃散手足不冷吐逆痰涎中氣虛弱也宜用橘皮半夏湯手足並熱熱毒壅滯也宜用導赤散口乾飲乳不徹胃經氣熱也宜用竹薹湯吐逆不乳或吐乳酸穢此脾氣虛而乳食停滯也宜用枳朮丸

一 小兒痘不紅活手足微冷此陽氣虛弱也先君用五味異功散加乾薑肉桂二劑乃去薑桂加木香又二劑而愈

一 小兒十一歲出痘第九日吐逆不食手足並冷此陽氣虛寒



之極也用十二味異功散一劑頃愈用五味異功散而安用參  
芪四聖散而屬

一小兒吐逆作渴手指並熱此胃經有熱也用竹茹湯而熱稍  
止用人參胃愛湯而吐亦止用化毒湯而貫膿四聖散而屬

一小兒吐逆作瀉腹脹煩渴痘出不快手指微冷用七味白木  
散而諸症退用四聖散而諸痘出用人參蟬蛻散而諸痘屬

一小兒吐逆腹脹發熱作渴大便乾臭此因腸胃實熱用竹茹  
湯加黃連枳殼諸症稍退用紫草快症湯瘡勢頓發如期而屬

一小兒痘出甚密嘔逆飲冷手足並熱此胃經熱甚先用葛根  
麥門冬散一劑熱症頓退又用瀉黃散末一錢用米飲調服而  
安用白朮散而痊

人參胃愛散治痘瘡已發未發吐瀉不止不思飲食或吐逆等  
症

人參

藿香

紫蘇

甘草

丁香

茯苓

木瓜

糯米

右每服三錢薑棗水煎

葛根麥門冬散治熱毒癍疹頭痛肚熱心神煩悶亂吐逆者方  
見頂陷心煩

按此陽明胃經之藥也外除表邪內清胃火兼補元氣若非  
發熱作渴表裡俱實者不可用若表裡俱虛而發熱作渴宜  
用人參麥門冬散

七味竹茹湯

橘紅

半夏

白茯苓

甘草

竹茹

黃連

葛根

右薑水煎服

人參蟬蛻散治小便不利痘瘡不發煩躁作渴咬牙喘滿

華氏醫案

麻里最要卷十九

十一

卷三十一



人參 蟬蛻 白芍藥 木通

赤茯苓 甘草 紫草茸

右每服三四錢水煎

橘皮半夏湯

橘皮 半夏 等分

右每服三錢薑棗水煎

化癩湯 方見水痘麻痘

六君子湯 方見痘腹脹

十一味木香散

六味地黃丸

四聖散 方見涕唾稠粘

咳嗽

紫草快癩湯 方見痘陷心煩

導赤散 方見風邪毒於肌肉

十二味異功散 二方見痘灰白

七味白朮散 二方見發熱屬陰

五味異功散 方見寒戰咬牙

痘疹方云痘瘡未出之先咳嗽升麻湯頭疼身熱惡寒咳嗽參蘇飲嘔吐痰涎白朮湯時氣頭疼咳嗽或屬後餘毒咳嗽惺惺散瘡不起發升麻湯感寒頭痛悶亂咳嗽木香散發熱嗽甚別無他症生地黃散風熱咳嗽五味子湯咽喉不利甘桔防風湯竊謂痘疹未出欲出之際乃熱毒上薰清道肺氣不寧宜用惺惺散若已出之後則屬元氣虛弱不能固衛腠理風邪乘虛而襲宜用五味異功散加桔梗五味子以補脾肺一男子咳嗽嚏噴腮頰赤目胞皆赤遍身赤瘡余謂此心臟痘疹彼疑惑而未用藥旬餘皆紅活起發余謂既紅活起發不必服藥至十七日大便下血膿瘡痂而痊一小兒痘赤壯熱咳嗽痰甚煩熱作渴用人參清膈散一劑諸症頓退日用芹菜汁旬餘而愈



一 小兒痘漸愈咳嗽肺脈大而無力用參蘇飲咳嗽漸愈因母飲酒又復咳用五味異功散加桑白皮杏仁山梔母子並服而愈  
一 小兒痘瘡十二日患咳嗽唾痰胸中隱痛肺脈數滑余曰此兼患肺癰也當用桔梗湯不信翌日果吐膿血用桔梗湯而愈  
一 小兒十四歲痘愈後咳嗽脈數而無力朝用補中益氣湯夕用六味丸料各數劑漸愈畢姻後咳嗽發熱仍用前藥及八珍等藥而痊

一 小兒痘將愈咳嗽面色黃白嗽甚則赤用五味異功散調補而愈  
生地黄散治小兒斑疹身熱口乾咳嗽心煩等症

生地黄兩半 麥門冬去心七分 杏仁 欬冬花  
陳皮各三錢 甘草炙二分  
右每三五錢水煎徐徐服兒大加之若痰氣痘熱內作宜用

桔梗甘草防風湯若痰上壅者佐以抱龍丸  
桔梗湯治久嗽肺氣傷而吐痰有血痰或腥穢或咳吐膿血肺癰等症

桔梗炒 貝母去心 知母 桑白皮  
枳殼各一錢 地骨皮 瓜蒌仁 薏苡仁  
杏仁各五分 當歸 黃芪微炒各一錢 五味子  
百合炒各一錢五分 防己一錢 葶藶炒五分

右每服三五錢水煎服  
桔梗防風湯治痘症餘毒瘡毒咽痛

桔梗 甘草 防風 右水煎服  
六味地黃丸 七味白朮散二方見發熱屬陰  
五味異功散 補中益氣湯



當歸補血湯

二方見寒戰咬牙

十六味清膈散

即人參清膈散方見頂陷心煩

惺惺散

方見癰症

五味子湯

即小柴胡湯加五味子

參蘇飲

方見涕唾稠粘

喘症

痘疹方若云痘瘡已出未靨之間喘渴白朮散甚者木香散收靨後腹脹喘渴大便利小便澀葶藶木香散喘嗽五味子湯喘渴靨後餘毒不除大便堅實前胡枳殼散頭疼身熱惡寒微喘是有表邪也用參蘇飲竊謂前症若因脾肺虛弱宜用白朮散脾肺虛寒宜用木香散熱毒內蘊紫草甘草枳殼湯風邪外感用參蘇飲內外壅滯人參清膈散大便自利小便澀滯葶藶木香散大便堅實前胡枳殼散

一小兒痰喘痘赤作痛熱渴喜飲冷水大便秘不利此胃經實熱

先用前胡枳殼散諸症漸退又用犀角地黄湯而靨

一小兒面赤有痰口乾作渴右寸口脈洪數此心火刑肺金用人參平肺散一劑又用地黃丸料四劑而痊

一小兒痘赤而痛喘嗽作渴脈洪數左尺右寸為甚此腎火上炎乘肺為患用地黃丸料煎與恣飲如期而靨

一小兒十四歲痘方愈而喘促咳嗽余謂脾肺氣虛用五味子湯而愈後停食發熱喘嗽用五味異功散而安用補中益氣湯

而痊

一男子出痘愈而喘嗽面赤服參蘇飲面色痘痕皆白此脾肺

氣虛而復傷也用補中益氣五味異功散而痊

而痊

一男子出痘愈而喘嗽面赤服參蘇飲面色痘痕皆白此脾肺

氣虛而復傷也用補中益氣五味異功散而痊

一小兒喘渴面白手足時冷此脾肺氣虛用人參白朮散五味

異功散而愈



高氏醫抄 小兒痘將愈喘渴腹脹大便不結小便澀此脾肺氣虛而然也先用葶藶木香散又用人參白朮散而愈

一小兒痘出氣喘大便秘結手足並熱作渴飲冷用前胡枳殼散而安但飲食少面白此邪氣去而真氣虛也用補中益氣湯五味異功散而愈

一小兒十四歲痘方愈而喘手足不熱余謂脾肺氣虛用補中益氣湯而愈後停食發熱手足不冷余謂脾胃虛熱而喘嗽用五味異功散二劑而熱退又用補中益氣湯而痊

一小兒痘瘡狂喘躁熱作渴飲冷痰涎不利先君謂熱毒壅滯用人參清膈散犀角地黃湯各一劑頓愈又用當歸補血湯而愈

一男子痘愈而喘嗽面赤服發表之劑喘嗽益甚面色痘痕皆白手足並冷余謂脾肺之氣復傷而虛寒也用補中益氣湯加

乾薑一劑元氣漸復却佐以八珍湯而痊  
一男子痘愈而患喘發熱惡寒余用十全大補湯不信反服寒熱之劑汗出如雨身熱如焚面目痘疽如赭赤余曰汗多亡陽而虛熱也不信後果歿

六味涼血消毒散

犀角如無用升麻

牡丹皮

當歸

生地黃

赤芍藥

生甘草等分

右每服三五錢水煎

紫草甘草枳殼湯

紫草

甘草

枳殼各等分

右每服一二錢水煎

五味子湯

參蘇飲

前胡枳殼散

三方見涕唾稠粘

薛氏醫案

保嬰最要卷十九

五 痘百六四



六味地黄丸

聖濟犀角地黄湯

十一味木香散

方見痘灰白色

人參白朮散

一名七味白朮散  
二方見發熱屬陰陽

人參清膈散

即十一味清膈散  
方見頂陷心煩

葶藶木香散

方見腹脹氣促

保嬰撮要卷二十

吳郡薛 已著

薛氏醫按

江都吳中珩校

小便不利

痘疹方云痘疹未出之先熱盛恐欲起驚小便不利導赤散微解之熱入膀胱如有血淋犀角湯初出不快小便赤色生聖散已出未愈之間白朮散或五苓散加朮通收靨之後小便不利煩熱而渴猪苓湯竊謂前症當分所因若小腸熱結用導赤散肝經熱用柴胡麥門冬湯脾經熱用犀角湯肺經熱用生地黃湯腎經熱用地黃丸靨後氣血虛弱用八珍湯中氣虛弱用五味異功散  
一小兒小便不利口舌生瘡乾渴用導赤散加味四物湯而膿貫又用白朮散去木香治之而愈

薛氏醫按

保嬰撮要卷二十

宙百五



一 小兒小便不通口舌如糜作渴面赤左尺脉數此膀胱熱結  
先用五淋散而小便利又用地黃清肺飲參芪四聖散而愈  
一 小兒小便數而欠利面赤口渴兩足發熱此稟陰虛也地黃  
滋腎二丸煎服用四劑而愈又用地黃丸料加黃芪當歸而愈  
一 小兒痘將愈小便不利服五苓散之類小便愈少喘咳唾痰  
此脾肺復傷也先用補中益氣湯二劑送滋腎丸却用補中異  
功二藥而痊

八正散治下焦積熱大小便不通或小便淋澀脉症俱實者

大黃酒炒

車前子炒

瞿麥

扁蓄

山梔炒

木通各一錢

甘草一錢

滑石煨二錢

右每服二錢水煎

滋腎丸

黃柏炒黑

知母炒黑各二兩

肉桂二錢

右為末水糊丸

益元散治痘疹初起煩躁作渴小便不通

滑石六錢

甘草一錢

每服五六分白湯調下

導赤散治小腸實熱生瘡作渴發熱小便秘赤或小便不利者  
方見作痒搔破

柴苓湯治疹瀉小便不利方見癰症

五苓散

茯苓

豬苓

白朮

澤瀉各等分

肉桂減半

右為末每服四分白湯調下

黃芩清肺飲

黃芩炒

山梔炒等分

右每服二錢水煎

葶天醫按

果與最要卷二十一

二

補三果案



生地黄湯

生地黄五錢

杏仁去皮尖

麥門冬七錢

款冬花

陳皮各三錢

甘草五分

右每服二三錢水煎

紫草木通湯治痘疹不快小便不利

紫草

人參

木通

茯苓

糯米各等分

甘草減半

柴胡麥門冬散

方見作痒抓破

犀角湯

方見頂陷心煩

生聖散

方見痘瘡出遲

加味四物湯

方見痘入目

白木散

即七味白木散

六味地黄丸

二方見發熱屬陰陽

痘便血或黑尿

聞人氏云痘瘡大便下血或黑糞若睡而不醒是為惡候乃內熱盛也用犀角地黄湯抱龍丸小柴胡湯加生地黄主之竊謂

前症若寒熱作渴小柴胡加生地黄發熱體倦用五味異功散加當歸口乾作渴用人參白木散大凡作渴引飲發熱者屬實熱作渴飲湯手足不熱者屬虛熱手足逆冷者屬虛寒治者審之

一小兒出痘便血痘赤痛如錐或瘡內出血余謂肝火熾盛用

小柴胡湯加生地黄一劑隨用犀角地黄湯一劑而痊

一小兒痘瘡下血且不起發先君謂氣血不足用紫草快癍湯

加參芪歸木血頓止瘡頓起用八珍湯而愈

一小兒痘瘡下血小便赤色瘡色如赭發熱飲冷二便不利先

君謂心小腸實熱用八正散後用解毒防風湯及飲芹菜汁而

一小兒痘疹便血倦怠作渴飲湯余謂倦怠便血脾虛下陷也

少食作渴津液枯涸也用五味異功散加紫草而愈

薛氏醫按

保嬰撮要卷二十一

三

痘一百六十七



一小兒便血腹脹困倦身熱口乾飲湯四肢逆冷先君謂脾氣虛寒不能攝血用五味異功散加丁香炮薑二劑血止痘貫而一小兒痘將愈而便血面白惡寒大便欲去而不去余謂此元氣虛而下陷也用益氣湯不信服涼血之劑致吐瀉腹痛而一小兒痘將愈患便血面白惡寒手足並冷脉沉細如無余謂陽氣虛寒欲用人參薑桂不從翌日而死手足青黑惜哉解毒防風湯治痘瘡毒氣熾盛便血

防風

地骨皮

黃芪

荆介

白芍藥炒

牛蒡子

各等分

右每服四錢水煎或為末白湯調下

紫草快癩湯治痘疹下血不能起發出不快色不紅活等症即

草湯方見頂陷心煩

聖濟犀角地黄湯治熱毒內蘊煩躁作渴面色赤大便黑屎或

神昏便血

方見痘作渴

小柴胡治肝經有熱不能藏血而便血

方見痘身疼

五味異功散治脾胃氣虛不能統血而大便下血

方見寒戰咬

八珍湯治氣虛不能攝血而便血

方見頂陷灰白

八正散治心小腸有熱小便赤澀大便下血

方見痘小便不利

七味白朮散

即人參白朮散方見痘發熱

痘瘡燉裂出血

聞人氏云痘瘡大便不通小便如血或結癰毒身痘破裂乃內火熾盛失於解利急用犀角地黄湯小柴胡湯加生地黄四順飲之類治之竊謂前症若心脾熱盛用犀角地黄湯心肝熱盛用小柴胡湯加生地黄若大便不通先用四順飲次用犀角湯



若色赤焮痛二便不通急用活命飲加硝黃若色赤焮痛惡寒發熱用活命飲加麻黃若因乳母怒火用加味逍遙散加味歸脾湯

一小兒痘根赤色寒熱作痛此肝經有熱也先用加味小柴胡湯二劑諸症漸退又用加味逍遙散一劑而貫膿未用八珍湯而靨

一男子痘根赤痛發熱作渴服紫草飲痘裂出血余謂心肝二經風火相搏先用小柴胡湯加生地黃犀角二劑用聖濟犀角地黃湯而愈

一小兒患前症大便不利小便赤溢作渴飲冷先君謂腸胃實熱先用涼膈散一劑漸愈又用犀角地黃湯芹菜汁而痊一小兒患此診乳母有鬱火用加味逍遙散加味歸脾湯而痊

同時患是症而用雜藥者但致不救

涼膈散治上焦實熱煩渴面赤咽燥喉痛便溺赤澀狂言謔語睡臥不安

大黃

朴硝

甘草

連翹

山梔

黃芩

薄荷葉各等分

右為細末每服少許煎竹葉蜜湯調乳母同服

加味清胃散

方見痘癰

加味逍遙散

方見痘潮熱

犀角地黃湯

方見頂陷心煩

加味小柴胡湯

即小柴胡湯加山梔主地黃

方見痘身疼

八珍湯

方見頂陷灰白

聖濟歸脾湯

方見痘癰

痘衄血吐血

痘疹方云若痘發之際正宜微見與發汗同體然血與汗雖殊

薛氏醫案

保嬰最要卷二十一

五

痘疹



其源則一益痘疹乃穢血所發邪結肺胃毒氣自然上越也若見此症不可妄投以藥恐治失其宜瘀蓄者不出而已出者復傷反生變症也若作渴飲冷手足並熱此毒氣熾盛而血上溢也宜用聖濟犀角地黄湯若肺經熱毒而鼻衄用地黃清肺飲胃經熱毒而吐血亦用聖濟犀角地黄湯若腸胃熱毒而便血亦用之作渴飲湯手足不熱者用肺氣虛不能攝血而妄行也宜用五味異功散若出血作渴煩躁面赤色者血脫也宜用當歸補血湯

一小兒出痘三四日大便下血日有數滴至八日不能止瘡不能起御醫錢春林謂其脾氣虛寒用木香散二劑加丁香十一粒人參五錢次日痘起有膿田是血止二十餘日而愈

一小兒痘瘡紅活但不時作痒口渴便血面赤先君謂腸胃有熱用聖濟犀角地黄湯加柴胡一劑諸症漸退用四君加當歸紅花而愈

一小兒痘瘡赤痛煩熱作渴或便血衄血先君用犀角地黄湯而血止又用紫草快癩湯而痛愈後瘡痕色白用四君黃芪當歸而痊

一小兒衄血右寸脉數此肺金有火也用瀉白散而血止但四肢倦怠用益氣湯而愈

一小兒痘痛赤色吐血發熱此胃經熱毒也先用聖濟犀角地黄湯諸症漸愈又用五味異功散而痊

一小兒痘後衄吐面色黃白因脾肺氣虛弱用麥門冬散而愈後因勞衄血發熱痘痕赤色用四君歸芪而衄止用五味異功散而熱退



一 小兒痘後衄血發熱則痕赤熱止則痕白此脾胃氣虛也朝用補中益氣湯加乾薑夕用五味異功散加當歸而愈  
一 小兒痘後衄血頭運唇白惡心此中氣虛而清陽不能上升也用補中益氣湯加蔓荊子稍愈去蔓荊子又數劑而痊  
一 小兒痘後非衄血即便血痘痕赤白靡定手指冷熱無常今謂此元氣虛而無根之火倏往忽來也朝用補中益氣湯夕用五味異功散各二十餘劑而愈後因勞心復發仍用前二藥為主佐以十全大補湯而愈

瀉白散

桑白皮炒

甘草

地骨皮

右每服二三錢水煎

人參竹葉湯治虛煩不得寐或兼自汗

人參

竹葉

甘草各二錢

半夏一分

小麥

麥門冬各一錢半

右每服二三錢薑二片粳米一撮水煎服

八珍湯

十一味木香散二方見頂隔灰

五味異功散

當歸補血湯二方見寒戰咬牙

紫草快癩湯

方見便血屎黑

十全大補湯

方見腹脹氣促

四君子湯

即六君子湯去陳皮半夏方見不膈悶亂

痘煩躁

東坦云火入於心則煩入於腎則躁皆心火為之蓋火旺則金燥水虧故心腎合而為躁也宜用梔子豆豉湯凡痘瘡盛作之時必令心火有所導引苟或毒氣出而未盡遂生煩躁以生黑豆煎湯或生犀磨汁飲之亦可若津液不足虛煩不得卧者活

保嬰最要

卷二十一

七



人酸棗仁湯此症多因脾胃氣虛或服尅伐之劑所致但當調  
蒸中氣爲善

一 小兒患此飲冷不止或作脹痛余謂胃火所致用犀地黃湯  
芩萊汁而頓愈

一 小兒煩躁作渴飲冷不止先君謂脾胃熱毒用犀角地黃湯  
而愈後復作喜飲熱湯面目赤色用當歸補血湯而痊惟倦怠  
少食用白朮散而愈

一 小兒貫膿之際煩躁不寧肝脾脈數用聖濟犀角地黃湯一  
劑稍止用八珍湯加牡丹皮而止又二劑漿漸貫却用內托散  
倍用參芪歸朮而靨

一 小兒痘將貫膿煩躁面赤脈數大而虛此氣血虛也先用參  
芪四聖散又用當歸補血湯而愈

一 小兒出痘煩躁作渴面赤口乾脈洪而大按之無力兩尺爲  
甚此稟腎不足陰虛而火動也用大劑地黃丸料加五味子煎  
與恣飲諸症頓減乃佐以補中益氣湯二劑痘齊乃用參芪四  
聖散而靨

一 小兒出痘煩躁作渴飲湯面目赤色脈數無力兩尺爲甚此  
稟足三陰虛也用益氣湯及地黃丸料加五味子大劑始末服  
而靨

一 男子出痘煩躁作渴虛症不能悉舉先君用益氣湯地黃丸  
料加五味子各三十餘劑更用人參五觔煎湯代茶飲兩月餘  
而靨又用參芪歸朮各數斤半載始能步履得元氣充實且慎  
調攝而痊

一 小兒十五歲痘將愈而煩躁脈數而無力勞則益甚且無寐



或驚悸余用歸脾補中二湯漸愈後因勞仍作或用四物化痰  
之劑前症益甚更發熱惡寒頭暈而歿

一小兒痘愈後煩躁面赤脉洪大按之如無余謂血虛朝用補  
中湯夕用歸脾湯將愈因飲食過多功課勞心吐瀉腹痛頭暈  
惡寒反服藿香正氣散發熱如炙汗出如雨手足並冷而歿  
活人酸棗仁湯治痘疹虛煩驚悸不得眠

酸棗仁炒

甘草炙

知母炒

白茯苓

麥門冬去心

川芎

乾薑炒各三分

右水煎溫服兒六倍之

梔子豆豉湯

山梔四箇

豆豉牛兩

右水二盞先煮梔子一盞內豆豉煎至七分去滓溫服得快

吐即止後服

當歸六黃湯治血氣不足虛火內動或煩躁盜汗不止

熟地黄

當歸

黃芪炒

黃柏已上俱炒黑

黃芩

黃連

生地黄

右每服三五錢水煎

八珍湯治氣血俱虛或用尅伐之劑脾胃虛損肌肉消瘦發熱

惡寒飲食少思等症方見頂陷灰白

補中益氣湯

當歸補血湯二方見寒戰咬牙

六味地黄丸

方見痘發熱屬陰陽

聖濟犀角地黄湯

方見頂陷心煩

內托散

即托裡散方見痘癰

七味白朮散

方見痘發熱屬陰

痘腹痛

晏全善先生云痘腹痛多是熱毒為患當臨症消息之又云痘

毒天醫治

保嬰集卷二十一

痘疹



出腹痛或身痛脈洪數者用解毒涼藥加芍藥甘草竊謂前症若痘未出而發熱煩躁或作渴飲冷大便堅實此熱毒壅滯也用疎利之藥若痘已出而不熱躁不飲冷大便不實此元氣虛弱也用白朮散之類和之若噤腐吞酸大便穢臭乳食停滯也用保和丸消之凡腹痛作渴飲冷手足並熱者屬實熱作渴飲湯手足並冷者屬虛寒者當溫補脾胃虛弱者當調補脾胃

一小兒善食作渴腹痛便秘痘痕赤色先用加味四物湯而愈後仍痛惡食此脾胃受傷用白朮散而痊

一小兒痘將靨腹脹發熱面赤午後益甚按其腹不痛余謂脾虛用五味異功散而痊

一小兒出痘腹痛大便似利寒熱往來余以為脾氣虛用白朮散而痊

一小兒出痘腹痛作渴飲食如常光澤紅活此胃經實熱先用瀉黃散一劑頓安又用白朮散而痊

一小兒痘後腹痛作渴飲冷便秘用清涼飲末五小頓安後腹痛吐瀉發搐用白朮散加鈞藤鈎而愈

一小兒出痘腹痛噤腐吞酸此飲食停滯先用保和丸二服續用五味異功散而痛止又用托裡散而靨

人參理中湯治脾胃虛寒胸膈痞滿或心腹疼痛痰逆嘔吐少氣或霍亂吐利手足厥冷不喜飲水加附子理中湯名附子理中湯

人參 白朮 乾薑炮各等分 甘草炒減半

右每服三錢水煎或研末白湯調下

一味異功散治小兒諸般鈎症角弓反張胸膈臍凸以透明沒藥為末薑湯調下



桔梗枳殼湯 治氣壅痞結腹脇疼痛

桔梗

枳殼

炒各一兩

甘草

右每服二三錢薑水煎

七味白朮散治肚腹作痛和胃氣生津液若脾胃氣虛作渴飲湯或因吐瀉津液虧損煩渴引飲或脾胃氣虛腹脹瀉渴弄舌流涎手足指冷並宜服之以溫補脾氣化生津液

方見發熱屬陰

保和丸治飲食停滯腹痛或惡寒發熱不可多服

神麩

山查

半夏

茯苓

陳皮

連翹

蘿蔔子

各五錢

右為末粥飯丸小豆大每服二三十丸白湯送下化服亦可加白朮名大安丸

六君子湯治脾胃氣虛肚腹作痛或吐瀉不食或肺虛痰喘氣

促惡寒或肝虛驚搐眩暈自汗諸症並宜服即四君子湯加

陳皮半夏

方見不瀝悶亂

瀉黃散

方見痘瀉瀉

五味異功散

方見寒戰咬牙

聖濟犀角地黄湯

方見頂陷心煩

托裡散

方見痘癰

四物湯

方見痘瘡出遲

清涼飲

方見痘大便不通

痘腰痛

經曰腰痛者腎之腑若痘瘡而見前症者皆因腎經虛怯相火內燥真陰不能勝邪故腰痛作痛也急服地黄丸以防變黑歸腎乃克有濟大抵此痘因稟賦腎家精氣不足故目睛多白俗謂之拆腰痘是也若平素面白眼白睛多行遲語遲者出痘必歸腎經預為調補腎氣庶免此患



一小兒十三歲眼睛多白或時面赤常患頭痛尺脈洪數先君謂稟腎氣虛用地黃丸料煎服而愈至十五歲出痘先君云須多服前藥仍用地黃丸益氣湯更加倦怠乃以地黃丸大劑煎與恣飲又用大劑八珍湯痘漸出如式恪服前藥至暮歲二藥計十七斤餘而愈先君每見嬰兒白睛多面色白或色赤今其預補脾腎以防出痘但信者少耳

一小兒出痘腰痛足熱發渴此稟腎虛火動也先君用大劑加減八味丸料煎與恣飲諸症漸退佐以大劑八珍加紫草糯米數劑膿漸貫仍用前藥而結痂用八珍湯而靨

一小兒出痘將愈因停食泄瀉作渴腰痛此脾腎虛弱也先君用加減八味丸料及五味異功散渴瀉頓止又與六味丸料及八珍湯而靨

一小兒出痘愈後腰足作痛此稟足三陰虛也用六味丸料煎服及補中益氣湯而愈後又傷食作瀉腰痛用四神丸六味丸而愈

一小兒面色常白目睛多白時常腰痛兩足時熱冬不衣綿年九歲先君謂稟腎虛令每日服地黃丸至十歲出痘腰痛發渴面赤飲冷用地黃丸每劑加肉桂半錢煎與恣飲數劑之後熱渴頓止腰痛頓愈却去肉桂仍與服之至五十餘劑而靨

一小兒痘愈後腰痛口渴兩足生瘡飲水不絕此稟足三陰虛先君用地黃丸益氣湯至畢姻後不慎起居復患癩癧以致起一小兒面素白發熱作渴或面生瘡先君謂腎虛用加味地黃丸補中益氣湯而愈後出痘腰痛仍用前藥而痊次年畢姻患腎痿而卒



加味地黃丸

熟地黃 酒浸蒸九晒乾  
八兩酒拌杵膏

山茱萸 肉 乾山藥

五味子 炒各  
四兩 澤瀉

白茯苓 牡丹皮

鹿茸 炙各  
三兩 肉桂 厚者去皮取肉二兩發熱者以此  
加之引虛火歸腎經而熱自止也

右各另為末入地黃和勻量入米糊丸服煎服更好

六味地黃丸 方見發熱屬陰陽 五味異功散

補中益氣湯 二方見寒戰咬牙 八珍湯 方見頂陷灰白

二神丸 四神丸 二方見痘作瀉

八味丸 即六味丸加附子肉桂各一兩  
方見痘作瀉

痘面青

聞人氏云痘疹屬火症其面色赤者為順甚者為熱若肝木尅  
制脾土致面色青者是為逆也急用四君升麻柴胡調補脾胃

包正纔治竊謂前症若傷食而嘔吐搐搦脾氣受傷而瀉利痛

癩或厥逆皆慢脾風之漸也用人參理中湯加柴胡釣藤鈎治

芝或有少誤多致不起若有痘毒內外鬱蒸發出遇風寒相搏

疑滯於肌肉遍身皮膚青色者用透肌散胃傷則生風嘔吐脾

傷則生風厥逆用五味異功散加天麻若瘡密熱盛便秘飲冷

面赤者用犀角解毒散貫漿之後發熱煩躁作渴面赤者用當

歸補血湯足熱腰痛目睛赤者地黃丸皆要法也

一小兒痘瘡紅活起發因飲食過多吐瀉腰痛唇面青色手足

並冷此脾胃虛寒而受尅也先君用六君薑桂一劑前病不退

痘色欠赤再劑加附子二分諸症頓退翌日用參芪四聖散二

劑將愈更用八珍湯內參芪各五錢四劑而靨

一小兒出痘飲冷過多腹痛面青手足並冷此寒邪傷脾而虛



寒也用附子理中湯一劑而痛止用人參一兩薑一錢二劑而  
膿貫又用人參煎湯代茶與飲月餘而屬

一小兒出痘面青腹痛手足並冷此脾氣虛寒也先用五味異  
功散加木香肉桂又用內托散參芪四聖散貫膿痂靨

一小兒出痘面青腹痛手足並冷此脾土虛寒也先服益黃散  
末三錢再以六君木香而安又傷食作瀉面青用五味異功散

而痊

一小兒出痘面色青手足冷此寒水侮土非十三味異功散不  
能救不信乃服疎通之藥歿而通身皆青悔無及矣

六君子湯

四君子湯 二方見不醫閣亂

人參理中湯

加附子名附子理中湯  
方見痘腹痛

五味異功散

當歸補血湯 二方見寒戰咬牙

內托散

即托裡散  
方見痘癰

參芪四聖散

方見腹脹氣促

犀角地黄湯

方見頂陷心煩

痘痕赤白

痘痕赤白各有所因治法亦異凡痕赤而作痒血虛而有熱也  
用五味牡丹皮赤而作痛餘熱也用四君連翹金銀花若發熱  
而大便調和者脾胃虛熱也用五味異功散若發熱而大便秘  
結者腸胃內熱也用聖濟犀角地黃湯若母有肝火用加味逍  
遙散若母有鬱怒用加味歸脾湯佐以加味逍遙散治之痕白  
者多屬氣虛而血衰也宜固元氣為本痒而作渴者氣血俱虛  
也十全大補湯之類乳食減少四肢倦怠者中氣虛也五味異  
功散之類氣虛發熱者補中益氣湯之類血虛發熱者當歸補



理湯之類須參兼變之症治之此症若服藥而漸紅活者可治  
色不轉者不治雖經年後多患瀉利而死若妄投攻伐禍在反  
掌

一小兒痘瘡如期而愈痕赤始緒余謂此乳母有熱也診之果  
有肝脾鬱火先用加味逍遙散四劑與母服之子各飲少許而  
愈

一小兒痘痕色赤作痛熱渴喜冷大便不利先用前胡枳殼散  
使利渴止再用聖濟犀角地黄湯而安又用芹菜汁而靨

一小兒痘痕色赤大便不利小便赤澀作渴飲冷此土焦實熱  
也先君用瀉黃散一劑頓愈又用濟生犀角地黄湯及芹菜汁  
而痊

一小兒痘愈而痕赤作痛內熱作渴二便不利先君謂胃經熱

毒用濟生犀角地黄湯及芹菜汁而痊

一小兒痘痕色白時痛時痒作渴飲湯大便稀澀此脾胃虛熱

也用五味異功散加當歸黃芪而痊

一小兒十六歲痘痕白用獨參湯數斤色漸如舊又用地黃丸

大補湯而安

一小兒痘後因母怒痕赤時或作痛先用加味小柴胡湯加味

逍遙散治其母而愈

一小兒因乳母食膏粱之味痘痕色赤用清胃散治其母而兒

自愈

一小兒痘痕色白作痒發熱大便不實諸藥不應余用五味異  
功散每劑用人參一兩四劑之後其熱稍退仍用前藥兼服四  
神丸而愈



一小兒痘痕白色時或作痒先君謂氣血俱虛不信反服解毒之藥後變慢脾風而歿

一男子患此色白作痒搔破膿水淋漓惡寒體倦余謂脾肺氣虛不信反祛風敗毒果發搐而死

一小兒患此惡寒發熱或痒或痛或白或赤余謂氣血俱虛不悟反降火祛風發瘧而死

一小兒痘痕色白服尅伐之劑致瀉不止余謂此脾氣下陷也不信果歿遍身如白傳粉信氣虛矣

葛花解醒湯治乳母酒醉後乳兒遺熱為患

白荳蔻

砂仁

葛花各五錢

乾生薑

白木炒

澤瀉

神麩炒黃各二錢

白茯苓

陳皮

人參

猪苓

木香各五分

青皮三分

右為末每二錢白湯調服

四順清涼飲治血脉壅實臟腑蓄熱頰赤作渴五心煩熱睡臥

不安四肢驚掣或頭面生瘡目赤咽痛痘疹餘毒方見大便不通

四君子湯方見不醫悶亂

加味逍遙散方見痘潮熱

獨參湯

十全大補湯二方見腹脹氣促

四物湯方見痘出遲

犀角地黄湯即聖濟犀角地黄湯方見頂陷心煩

前胡枳殼湯方見痘涕唾

瀉黃散方見痘渴瀉

六味地黄丸方見發熱屬陰

五味異功散方見寒戰咬牙

聖濟歸脾湯

清胃散二方見痘癰

痘瘡

王海藏先生云痘疹初出後聲音洪亮形病而氣不病也痘疹



未發聲音不出形不病而氣病也瘡疹既發聲音不出形氣俱病也宜用八風湯或涼膈散去硝黃主之竊謂前症若心火上炎刑燥肺金者宜用人參平肺散若津液不足虛火薰蒸者宜用六味地黄丸凡小兒面素白善哭足熱腰痛或解顛面白黑睛淡者出腎虛痘面青善怒或兩頰赤者出肝脾虛也蓋邪之所湊其氣必虛當預爲調補若在乳下尤當補其母及慎飲食起居爲善此余之親驗者也

一小兒仲冬出痘呻吟煩躁欬痛作渴音啞便實先君謂心肺實熱之症令急與水飲之遂恣啜始定大便稍和更食梨子數枚得生夫梨者利也能令人作瀉今食之而安乃內有實熱而應用也

一小兒痘愈而聲瘖面赤足心發熱小便赤少先君謂腎經虛熱用地黃丸益氣湯而愈其時患是症者用清熱解毒之藥俱致不起

一小兒痘愈而聲瘖面白兩睛多白兩足發熱作渴飲湯脈浮數左尺更數而無力余謂稟腎經陰虛朝用益氣湯夕用地黃丸加五味子兩月餘聲漸出又服兩月餘而愈

一小兒出痘聲瘖脈息如前余用前藥治之聲漸復清又飲食過多泄瀉復瘖朝用益氣湯夕用異功散地黃丸聲始如舊

一小兒痘後聲瘖半載以爲廢人余詢之但云頭運其聲卽瘖脈浮而緩按之不及兩寸此中氣虛不能上接清陽之氣耳用補中益氣湯地黃丸俱加五味子不半載聲音漸復

一男子痘後患瘖惡寒體倦勞則頭運余謂元氣虛而不能上升不信乃服清痰降火之藥而歿



一小兒十四歲痘後勞而喉癢頭暈脈洪數而無力惡寒發熱大便欲去而不去余謂元氣下陷也宜用益氣湯不悟乃雜用疎導之藥泄瀉不止而殁

八風散 即八風湯

藿香

牛兩 去土

白芷

一兩

前胡

去蘆 一兩

黃耆

二兩

甘草

二兩

人參

二兩

羌活

三兩

防風

三兩

右為末每服入薄荷少許煎湯調服

涼膈散

方見痘瘡燥裂

人參平肺散治心火尅肺金而聲嘶

方見真隱心煩

六味地黃丸治腎虛聲瘖

方見發熱屬陰陽

補中益氣湯治中氣不足不能上接清陽之氣而瘖五味異功

散 二方見寒戰咬牙

### 痘瘡痛

王海藏先生云痘瘡出而煩痛用木香五物主之更用芒硝為末以猪膽汁調敷之若身後痛屬膀胱經也用羌活荆芥甘草湯身痛屬肺金也用升麻葛根紫草湯身側痛屬膽經也用連翹防風湯四肢痛屬胃經也用防風芍藥甘草湯以急止之蓋恐叫號傷氣忍痛傷血而變症也若熱毒盛者用東垣消毒散或仙方活命飲食鷄魚蒲萄酒物者用東垣清胃散生犀汁若發熱飲冷大便調和用四物連翹牡丹皮若發熱飲冷大便秘結脾胃實熱也用清涼飲若發熱作渴飲湯者脾胃虛熱也用七味白朮散大凡痘切不可食毒物恐作痛致傷元氣輕者反重重者難治大人亦然

一小兒痘瘡作痛色赤飲冷此熱毒熾盛也用活命飲末二服



痛止用東垣消毒散一服諸症悉退而痊若非此藥必作疔毒之類

一小兒痘愀痛出血診其母有肝火用小柴胡湯加山梔生地母子服之頓愈又用加味逍遙散而痊

一小兒痘痛不止色淡欲陷此痛傷元氣也先用仙方活命飲一劑而痛止用八珍湯而靨

一婦人時疫將愈出痘發熱體倦痛甚昏憤飲湯脈洪數按之如絲用十全大補湯調硃砂末一錢二劑其痛頓止食進體健仍用前湯十餘劑而愈

一男子痘瘡痛甚先用仙方活命飲一劑其痛頓止又用東垣消毒散一劑精神如常而靨

一小兒痘瘡痛甚脈有力此邪氣實也用活命飲末二錢痛止

起發又用東垣消毒散而靨

一小兒痘赤痛用活命飲末二錢痛止用當歸黃芪金銀花將愈用四君當歸芍藥而靨

一小兒痘赤痛發熱飲令大便不通脈洪數而有力用活命飲加大黃一服痛亦頓減更用東垣消毒散一服如期而愈

一小兒痘瘡紅活燉痛作渴飲冷手足並熱余謂此痘屬形病俱實非清熱解毒不能殺其勢當用活命飲化癍湯不信另服

鼠粘子湯痘燉脹大其色如赭先用前藥二劑腫痛悉止乃用鼠粘子湯而愈

一小兒痘瘡燉痛服鼠粘子湯之類患痘疔三枚甚苦用隔蒜灸服活命飲痛止貫膿又用東垣消毒散而靨

一小兒遍身發熱兩足猶甚作渴飲湯脈洪數而無力此當發



經虛熱也用地黃丸料加當歸黃芪大劑煎與恣飲三日服數劑熱渴全止又數劑而愈

一小兒痘瘡熱痛服敗毒藥四肢患痘癰寒熱發渴余謂當備元氣不信果歿

木香五物湯治出痘煩痛

青木香兩 丁香一兩 藿香一錢 白礬各一兩

右每服五錢水煎熱盛加犀角一兩施銀臺常用此方其效如神

鼠粘子湯治痘瘡欲出未透皮膚發熱眼赤心煩咽痛不利等症戒地骨皮防風名消毒散

鼠粘子四錢 荆芥二錢 甘草 防風五分

地骨皮二錢 右為末每服一二錢白湯調下

仙方活命飲治痘瘡焮痛熱盛者服之頓衰勢弱者服之頓愈

真聖藥也

東垣清胃散

射干鼠粘子湯方見痘咽痛

托裡消毒散三方見痘癰

羌活荆芥甘草湯即此三味等分

東垣消毒散方見夾疹痘一名救苦湯

連翹防風湯方見痘疔

柴胡山梔連翹防風湯即此四味等分

化癍湯方見水痘麻痘

防風芍藥甘草湯即此三味等分

消毒散二方見大便不通

清涼飲

四聖散方見痘出不快

隔蒜灸法二方見痘疔

痘身疼

毒氏醫安

呆嬰最要卷二十一

二千 四百八四



經云痒則爲虛痛則爲實內快外痛爲外實內虛外快內痛爲內實外虛今痘瘡身痛者是膚厚理密或外寒相搏或熱毒內作或血虛不能榮養若熱毒而血瘀者先用活命飲次用東垣消毒散血虛而瘀者用四物湯之類遍身嚙而色黑者毒氣壅滯而血凝也乃是危症若二便秘結喘急煩躁用梔子仁湯或猪尾膏血調片腦治之自利不食者不治

一 小兒痘未發遍身作痛余謂熱毒勢盛先用仙方活命飲一劑痛緩痘出用東垣消毒散一劑末用四聖散而靨

一 小兒痘未出透遍身作痛此熱毒鬱滯而未盡發於外也先用活命飲一劑而痛愈用參芪四聖散而結靨

一 小兒痘瘡遍身作痛用東垣消毒散而痛愈用紫草快癩湯而膿貫用托裡散而愈

一 小兒痘癰肢體作痛發熱惡寒此氣虛而寒邪客于表也用人參羌活散而表解用參芪四聖散而起發用參芪內托散而

### 膿潰

一 妊婦發熱作渴遍身疼痛用活命飲二劑諸症稍愈形氣甚倦用紫草木香散痘出少許用白朮散貫膿而愈

一 男子出痘根窠赤痛發熱作渴痘裂出血肝火熾也用小柴胡湯加生地犀角諸症頓減又用聖濟犀角地黃湯而結痂

黃芪六一湯治痘瘡氣虛作渴愈後作渴不宜服之

黃芪 錢六

甘草 錢一

水煎服

### 參芪四聖散

參芪內托散治痘瘡疼痛或裡虛發痒或不潰膿或爲倒靨等症 二方見寒戰咬牙



小柴胡湯 加牡丹皮生地黃 治發熱惡風身痛或四肢勁強寒

熱往來 方見癡症

紫草快癩湯 方見便出血或黑尿

七味白朮散 方見發熱屬陰陽

四物湯 方見痘出遲

八珍湯

聖濟犀角地黄湯 二方見頂陷心煩

仙方活命飲

托裡散

東垣消毒散 三方見夾疹痘

五苓散 方見小便不利

救







